




卷二百四十七之二百四十九  
 經籍  
 卷二百五十  
 帝系

95  
 7伊4  
 1046  
 67





特  
74  
1046  
67

文獻通考卷之二百四十七

鄱陽 馬

端臨

支那所藏

貴與

著

經籍考

集章奏

陳氏曰凡無他文而獨有章奏及雖有他文而章奏復獨行者亦別為一類

漢名臣奏一卷

陳氏曰按隋志刑法類有漢名臣奏事三十卷唐志已亡其中興書目僅存其二一為孔光一為唐林今惟唐林而已隋言皆莽朝事無足論者姑以存古云爾

唐魏鄭公諫錄五卷

陳氏曰唐尚書吏部郎中琅邪王綝集綝字方慶以字行相武

文獻通考卷之二百四十七

利  
289  
67

學東

右其為吏部當在(高宗)時館閣書目作王綝誤也所錄魏公進  
諫奏對之語又名魏文貞公故事

陸宣公奏議二十卷

陳氏曰(唐)宰相嘉興陸贄敬輿撰又名勝子集  
議論並見別集類

李司空論諫集七卷

晁氏曰(唐)李絳深之贊皇人貞元八年進士中宏詞補渭南尉  
六年進中書侍郎平章事太和初為山南西道節度使四年南  
蠻入寇為亂兵所害絳偉儀質以直道進退望冠一時賢不肖  
太分屢為讒邪所中平生論諫數十百事其甥夏侯孜所編史  
官將偕為序

令狐公表奏十卷

晁氏曰(唐)令狐楚字殼士撰楚相憲宗為文善於牋奏自為序  
云登科後為桂并四府從事掌牋奏者十三年始遷御史綴其  
藁得一百六十三篇自號曰白雲儒子

陳氏曰楚長於應用嘗以授李商隱

包孝肅奏議十卷

晁氏曰包拯字希仁合肥人天聖五年進士為御史中丞知開  
封府為人剛嚴無私聞者皆憚之

汪玉山序公奏議分門編類其事之首尾時之先後不可考也  
如請那移河北兵馬凡三章其二在第八卷議兵門其一廼在  
第九卷議邊門其不相貫穿如此今考其歲月繫於每章之下  
而記其履歷於後若其歲月可見於章中者不復重出與天不  
可得而考者不容於不闕也庶幾讀者尚可以尋其大槩云如

文獻卷二百四十一  
劾罷張方平宋祁三司使而奏議不載豈包氏子孫所不欲以  
示人者耶

范文正公奏議二卷

陳氏曰范仲淹撰

諫垣存藁三卷

陳氏曰韓琦撰

富文忠公荀子十六卷

陳氏曰富弼撰平生歷官辭免陳情之文也

從諫集八卷

陳氏曰歐陽脩撰

南臺諫垣集二卷

陳氏曰參政信安趙抃閱道撰

范貫之奏議十卷

直龍圖閣范師道貫之撰曾南豐序曰自至和以後十餘年間  
公常以言事任職自天子六臣至于群下自掖庭至于四方幽  
隱一有得失善惡關於政理公無不極意反復為上力言或矯  
拂情欲或切劘計慮或辨別忠佞而處其進退章有一再或至  
於十餘上事有陰爭獨陳或悉引諫官御史合議肆言仁宗常  
虛心采納為之變命令更廢舉近或立從遠或越月踰時或至  
於其後卒皆聽用蓋當是時仁宗在位歲久熟於人事之情偽  
與群臣之能否方以仁厚清淨休養元元至於是非與奪則一  
歸之公議而不自用也其所引拔以言為職者如公皆一時之  
選而公與同時之士亦皆樂得其言不曲從苟止故天下之情  
因得畢聞於上而事之害理者常不果行至於寄衰恣睢有為

之者亦輒敗悔故當此之時常委事七八大臣而朝政無大闕  
失群公奉法遵職海內又安夫因人而不自用者天也仁宗之  
所以其仁如天至於享國四十餘年能承太平之業者繇是而  
已後世得公之遺文而論其世見其上下之際相成如此必將  
低回感慕有不可及之嘆然後知其時之難得則公言之不沒  
豈獨見其志所以明先帝之盛德於無窮也

呂獻可奏章二十卷

晁氏曰呂誨字獻可熙寧中為御史中丞坐攻王安石知鄧州  
司馬溫公服其知人且序其章奏集云其章存者二百八十有  
九歷觀古人有能得其一二者已可載之史籍在獻可蓋不足  
道也

陳氏曰獻可丞相正惠公端之孫也

孫莘老奏議十卷

晁氏曰孫覺字莘老元豐末自秘書少監除右諫議大夫元祐  
初遷給事中吏部侍郎莘老素與王介甫善後為諫官論新法  
遂絕

李公擇廬山奏議十七卷

陳氏曰李常字公擇早年讀書於廬山熙寧間為諫官論青苗  
法而罷元祐初為御史中丞

范蜀公奏議二卷

晁氏曰范鎮字景仁成都人舉進士為禮部第一仁宗朝知諫  
院後言王安石新法不便乞致仕歸潁昌元祐初詔召不赴封  
蜀郡公年八十一謚忠文

經緯集十四卷

陳氏曰樞密副使會稽孫抃元規撰

傳顯簡奏議四卷

陳氏曰傅堯俞撰

汪玉山跋畧曰范忠宣公誌公墓曰司馬溫公言傳欽之清且勇邵康節謂欽之清而不耀直而不訐勇而能溫云

范忠宣彈事五卷國論五卷

陳氏曰范純仁撰

范德孺奏議二十五卷

陳氏曰龍圖閣直學士范純粹德孺撰文正公三子中子純禮彝叟至尚書右丞純粹守邊有將才文正嘗謂仁得其忠禮得其靜粹得其略其長子純祐天資尤英悟不幸病廢蚤世富文忠深惜之為作墓誌

益言集十三卷

陳氏曰諫議大夫元城劉安世器之撰

王明叟奏議二卷

陳氏曰翰林學士海陵王觀明叟撰坐黨籍謫臨江而卒其在朝專論蘇程朋黨之弊以為深患

丁鶴奏議一卷

陳氏曰右正言毗陵丁鶴撰元祐中在諫坡嘉祐二年進士也

諫垣集二卷

陳氏曰陳瓘撰

閑樂奏議一卷

陳氏曰殿中侍御史建陽陳師錫伯備撰熙寧九年第進士裕陵素知其文行擢為第三人蘇軾知湖州師錫掌書記軾下御

益言集十三卷

益言集

五

史獄師錫篤賓友之義安輯其家軾入西掖薦自代明著其事  
師錫在元豐已為察官坐論進士習律罷出建中靖國再入未  
幾又罷

河間公奏議十卷

晁氏曰朱光庭元祐中為諫官時所論事也

得得居士戇草一卷

陳氏曰正言眉山任伯雨德翁撰其論蔡卞章惇欲廢宣仁尤  
切故卞深恨之獨貶嶺外

龔彥和奏疏一卷

陳氏曰殿中侍御史河間龔夫彥和撰二陳任龔皆建中靖國  
言事官極論蔡京者也

石林奏議十五卷

陳氏曰葉夢得撰

石林自序志愧集曰進對以來奏藁藏於家者若干篇不忍盡  
棄乃序次為十卷目之曰志愧集夫天下豈無大安危生民豈  
無大休戚矧戎狄亂華中原分裂上方櫛沐風雨盱食圖功而  
身遭不世之主橫被非常之知所言僅如是而已心非木石安  
得不媿姑自識之留以遺子孫庶後世悼其意之不終或有感  
勵奮發慨然少能著見者猶足雪其無功之耻而償其未報之  
息也

虞雍公奏議

丞相虞允文撰後溪劉氏序畧曰余讀雍國忠肅虞公奏議二  
百二十有七篇而慨然有感世但知采石之戰以七千卒卻虜  
兵四十萬其功甚偉然忌者猶曰適然豈知公於紹興辛巳之



前已因輪對面奏虜必叛盟兵必分五道正兵必出淮西奇兵必出海道宜令良將勁卒備此二境其先事之識已絕出乎衆人之表矣及虜叛盟上令從臣集議公獨言虜兵必出兩淮丞相善其言而未果行及遣公勞師采石事已大壞公以書生收合亡卒激厲諸將施置於倉卒之際而破虜於俄頃之間嗚呼非胷中素所蓄積忠誠足以動天地感人心而作士氣未易成此偉績也而曰適然可乎自昔徂勝者必忽其餘憂公又令設備於瓜洲其他區畫悉各精密而不苟虜遂遁去乃徐請車駕還行都皆歷歷見於奏疏也余切妄論本朝多議論少成功雖盛時猶然也况積習消靡之餘夫人皆喜逸而惡勞圖安而懼危中興以來前有張魏公後有虞雍公為國家任其勞當其危者也被不少愧焉而人忍短毀之乎

連寶學奏議二卷

陳氏曰寶文閣學士安陸連南夫鵬舉撰紹興初知饒州杆禦有功及和議成南夫知泉州上表畧曰不信亦信其然豈然又曰雖虞舜之十二州昔皆吾有然商於之六百里當念爾欺由是得罪

若溪奏議一卷

陳氏曰資政長成劉珏希范撰寧以同知三省樞密院扈從隆祐南幸

毗陵公奏議二十五卷

陳氏曰張守撰

陳國佐奏議十二卷

陳氏曰禮部侍郎赤城公輔國佐撰政和五年上舍釋褐首選

紹興初為諫官

胡忠簡奏議四卷

陳氏曰胡銓撰

玉山表奏二卷

陳氏曰汪應辰撰

陳正獻奏議二十卷表劄二十卷

陳氏曰陳俊卿撰

龔實之奏藁六卷

陳氏曰龔茂良撰

南軒奏議十卷

陳氏曰張栻撰

胡獻簡奏議八卷臺評二卷

陳氏曰禮部尚書會稽胡沂撰

梅溪奏議三卷

陳氏曰太子詹事樂清王十朋龜齡撰

省齋歷官表奏十二卷

陳氏曰周必大撰

軒山奏議二卷

陳氏曰王藺撰

北山蕙議一卷

陳氏曰戶部侍郎濡須王邁少愚撰藺之兄開禧中諫用兵

李祭酒奏議一卷

陳氏曰國子祭酒錫山李祥元德撰慶元初論救趙忠定得罪

者

齊齋奏議三十卷

掖垣繳論四卷

銀臺章奏五卷

臺諫論二卷

昆命元龜說一卷

陳氏曰已上俱倪思撰

文獻通考卷之二百四十七

文獻通考卷之二百四十八

鄱陽 馬 端臨 貴與 著

經籍考

集 總集

隋經籍志曰總集者以建安之後詞賦轉繁衆家之集日以滋廣晉代摯虞苦覽者之勞倦於是採摛孔翠芟翦繁蕪自詩賦以下各為條貫合而論之謂之流別是後文集總錄作者繼軌屬辭之士以為覃輿而取則焉

隋志一百七部二千二百一十三卷通計亡書合二百四十九部五千二百二十四卷

唐志七十五家九十九部四百二十三卷李淳風以下不著錄七十八家八百一十三卷

宋三朝志一百一十七部四百一十八卷

宋兩朝志二十九部四百一十三卷

宋兩朝志二十九部四百一十三卷

宋四朝志六十二部五百一十四卷

宋中興志二百九十三家三百一十五部六千五百九十二卷

文史

宋三朝藝文志晉李光始著翰林論梁劉勰又著文心雕龍言

文章體製又鍾嶸為詩評其後述畧例者多矣至于楊摧史法

著為類例者亦各名家焉前代志錄散在雜家或總集然皆所

未安惟吳兢西齋有文史之別今取其名而條次之

中興藝文志文史者譏評文人之得失也通志叙論評史韻語

陽秋評詩藝苑雌黃則併子史集之誤皆評之

唐志四部四家一十八卷劉子玄以下不著錄二十二家三十三部一百七十九卷

宋三朝志三十八部一百二十五卷

宋兩朝志八部五十九卷

宋四朝志一十八部一百四十卷

宋中興志六十二家六十五部四百八十七卷

李善註文選六十卷

晁氏曰梁昭明太子蕭統纂前有序具述所以作之意蓋選

訖梁諸家所著賦詩騷七詔冊令教策秀才文表上書啓彈事

牋記書移檄難對問議論序頌贊符命史論連珠銘箴詩哀策

碑誌行狀弔祭文類之為三十卷實常謂統著文選以何遜在

世不錄其文蓋其人既往而後其文剋定然則所錄皆前人作

也唐李善集註析為六十卷善高宗時為弘文學士博學經史

百家無不備覽而無文時人謂之書籠初為輯註博引經史釋

事而忘其義書成上進問其子邕邕無言善曰非邪爾當正之

於是邕更加以義釋解精於五臣今釋事加義者兩存焉蘇子

瞻堂讀善註而嘉之故近世復存

東坡蘇氏答劉沔書曰梁蕭統文選世以為工以軾觀之拙於文而陋於識者莫統若也宋玉賦高唐神女其初畧陳所夢之因如子虛亡是公相與問答皆賦矣而統謂之叙此與兒童之見何異李陵蘇武贈別長安而詩有江漢之語及陵與武書辭句儼淺正齊梁間小兒所擬作决非西漢文而統不悟劉子玄獨知之識真者少蓋從古所病也

五臣註文選三十卷

晁氏曰唐呂延祚集註延祚以李善止引經史不釋述作意義集呂延濟劉良張詵呂向李周翰五人註延祚不與焉復為三十卷開元六年延祚上之名曰五臣註

陳氏曰後人并李善元註合為一書名六臣註凡六十卷東坡謂五臣乃俚儒之荒陋者反不及善如謝瞻詩苛慝暴三殤孔苛政猛於虎以父與夫為殤非是然此說乃本於善也

玉臺新詠十卷

陳氏曰陳徐陵孝穆集且為作序

後村劉氏曰徐陵所序玉臺新詠十卷皆文選所棄餘也六朝人少全集雖賴此書畧見一二然賞好不出月露氣骨不脫脂粉雅人莊士見之廢卷昔坡公笑蕭統之陋以陵觀之愈陋於統如沈休文六憶之類其褻慢有甚於香奩花間者然則自國風楚辭而後固當繼以選詩不易之論也

楚漢逸書八十二篇

豫章洪芻編宋玉司馬相如遷董仲舒賈誼枚乘路喬如公孫詭鄒陽公孫乘羊勝中山王勝淮南王安班婕妤王褒劉向劉

欽揚雄班固凡十九家叙其可攷而讀者共八十二篇

野處洪氏題後曰此書傳于道山又有漢賢遺集所載畧同凡所脫字皆據以衍入猶有疑不可知者他日當以諸書互出者叅校之

雜文章一卷

晁氏曰孫巨源得之於秘閣載宋玉等賦頌五十八篇景迂生元豐申子以李公擇本校正後有劉大經田為玉雲李端唐君益諸人題跋

古文苑九卷

陳氏曰不知何人集皆漢以來遺文史傳及文選所無者世傳孫洙巨源於佛寺經龕中得之唐人所藏韓無咎類此為九卷刻之藝州中興書目有孔道文苑非此書孔道晉人本書百卷

惟存十九卷耳

古文章十六卷

陳氏曰會稽石公輔編與前書相出入而稍多亦有史傳中批出者首卷為武王冊書其末蔡琰胡笳十八拍也館閣書目又有漢魏文章二卷集宋玉以下文八十八首未見

晉代名臣文集

容齋洪氏隨筆故麓中得舊書一帙題為晉代名臣文集凡十四家所載多不能全真泰山一毫芒耳有張敏者太原人仕歷平南叅軍太子舍人濟北長史其一篇曰頭責于羽文極為尖新古來文字皆無此作恐藝文類聚文苑英華或有之惜其泯沒不傳謾采以遺博雅君子文見五筆第四卷其文九百餘言頗有東方朔客難劉孝標絕交論之體集仙傳所載神女成公智瓊傳

見於太平廣記蓋敏之作也鄒湛姓名因羊叔子而傳而字曰潤甫蓋見於此

文粹一百卷

晁氏曰宋朝姚鉉字寶臣編鉉廬州人太平興國中進士文辭敏麗善書札藏書至多頗有異本累遷兩浙漕課吏寫書采唐世文章分門編類初為五十卷後復增廣之坐事斥連州卒其子以其書上獻詔藏內府命以一官

陳氏曰鉉為兩浙轉運使在杭州與知州薛映不協映撫其罪狀數條密以聞當奪一官特除名貶連州文學其自為序稱吳興姚鉉蓋本郡望鉉實合肥人

塵史姚鉉集唐人所為古賦樂章歌詩贊頌碑銘文論箴表傳錄書序凡百卷各文粹予在開封時得唐潭州刺史張登文集一策三卷權文公為序其畧曰如求居寄別懷人三賦與證相一篇意有所激鏘然玉振倘有繼昭明之為者斯不可道也然觀文粹並不編載由是知姚亦有未見者鉉責居連州嘗寫所著文粹一百卷好事者於縣建樓貯之官屬多遣吏寫錄吏以為苦以鹽水曬之異其速壞後以火焚其樓

續古文詩苑英華集十卷

晁氏曰唐僧惠淨撰輯梁武帝大同中會三教篇至唐劉孝孫成臯望河之作凡一百五十四人歌詩五百四十八篇孝孫為之序

珠英學士集五卷

晁氏曰唐武后朝嘗詔武三思等脩三教珠英一千二百卷預脩書者凡四十七人崔融編集其所賦詩各題爵里以官班為

次融為之序

麗則集五卷

晁氏曰唐李氏撰不著名集文選以後至唐開元詞人詩凡三百二十首分門編類貞元中鄭餘慶為序

梁詞人麗句一卷

陳氏曰唐李商隱集梁明帝而下十五人詩并鬼詩童謡

玉臺後集十卷

陳氏曰唐李康成撰

後村劉氏曰鄭左司子敬家有玉臺後集天寶間李康成所選自陳後主隋煬帝江總庾信沈宋王楊盧駱而下二百九人詩六百七十首彙為十卷與前集等皆徐陵所遺落者往往其時諸人之集尚存天寶間大詩人如李杜高適岑參輩迭出康成同時乃不為世所稱若非子敬家偶存此編則許多佳句失傳矣中間自載其詩八首如自君之出矣絃吹絕無聲思君如百草撩亂逐春生似六朝人語如河陽店家女長編一首押五十二韻若欲與木蘭及孔雀東南飛之作方駕者末云因緣苟會合萬里猶同鄉運命倘不諧隔壁無津梁亦佳

篋中集一卷

陳氏曰唐元結次山錄沈千運趙微明孟雲卿張彪元季川于逖王季友七人詩二十四首盡篋中所有次之荆公詩選盡取不遺唐中世詩高古如此今人乃專尚季末亦異矣館閣書目以為結自作入別集門非是

國秀集三卷

陳氏曰唐國子進士芮挺章集李嶠至祖詠九十人詩二百二



上首天寶三載國子進士樓穎為序

撰玉小集一卷

陳氏曰自崔湜至崔融三十七人詩六十一首

竇氏聯珠集五卷

陳氏曰唐褚藏言所序竇氏兄弟五人詩各有小序曰國子祭酒常中行國子司業牟貽周容管經畧群州列婺州刺史庠胄卿武昌節度使鞏友封皆拾遺叔向子也五人惟群以處士薦入諫省庠以辟舉餘皆進士科

容齋洪氏隨筆曰竇氏聯珠序云五竇之父叔向當代宗朝善五言詩名冠流輩時屬正懿皇后山陵上注意哀挽即時進三章內考首出傳諸人口有命婦羞蘋葉柳人挿柰花禁兵環素帟宮女哭寒雲之句可謂佳唱而畧無一首存於今荆公百家詩選亦無之是可惜也予嘗得故吳良嗣家所抄唐詩僅有叔向六篇皆奇作念其不傳於世今悉錄之詩見四筆第六卷叔向字遺直仕至左拾遺出為漂水令唐書亦稱其以詩自名云

唐御覽詩一卷

陳氏曰唐翰林學士令狐楚纂劉方平而下迄于梁銍凡三十人詩二百八十九首一名唐新詩又名曰選進集又名元和御覽

河嶽英靈集二卷

陳氏曰唐進士殷璠集常建等詩二百三十四首

極玄集一卷

陳氏曰唐姚合集王維至戴叔倫二十一人詩一百首曰此詩家射鵬手也

中興間氣集三卷

晁氏曰唐高仲武輯至德迄大曆中錢起以下三十六人詩自為序以天寶叛渙述作中廢至德中興風雅復振故以名仍品藻眾作著之於前云或又題孟彥深纂

陳氏曰所選詩一百三十二首各有小傳叙其大畧且拈提其警句而議論文辭皆凡鄙

南薰集三卷

晁氏曰唐竇常撰集韓雄至皎然三十人約三百六十篇凡三卷其序云欲勤上中下則近於褒貶題一二三則有等衰故以西掖南宮外臺為目人各繫名繫贊

本事詩一卷

晁氏曰唐孟棻撰纂歷代詞人緣情感事之詩叙其本事凡七

類

斷金集一卷

晁氏曰唐令狐楚韓琪與李逢吉自為進士以至宦達所與酬唱詩什開成初裴夷直序之

唐詩類選二十卷

陳氏曰唐太子校書郎顧陶集凡一千二百三十二首自為序大中景子歲也陶會昌四年進士

漢上題襟集三卷

陳氏曰唐段成式溫庭筠崔峒余知古韋蟾徐商等唱和詩什往來簡牘蓋在襄陽時也

松陵集十卷

晁氏曰唐皮日休與陸龜蒙酬唱詩凡六百五十八首龜蒙編

文獻卷二百四十八

正書考

次之日休為序松陵者平江地名也

唐賦二十卷

晁氏曰唐科舉之文也裴頴士裴度白居易薛逢陸龜蒙之作皆在焉

奇章集四卷

中興藝文志集唐李林父至崔湜百餘家詩奇警者集者不知名

咸通初表奏集一卷

中興藝文志唐夏侯孜令孤綯于琮白敏中等作集者不知名西漢文類二十卷

晁氏曰唐柳宗直撰其兄宗元嘗為之序至宋朝其書亡陶氏者重編纂成也

陳氏曰宗直此書四十卷唐藝文志有之其書不傳今叔陶叔獻元之所編次未詳何人梅堯臣為之序

子厚序畧曰文之述古而尤壯麗莫若漢之西京班固書傳之吾嘗病其畔散不屬無以考其變欲采比義會年長病作駕隨愈甚未能勝也幸吾弟宗直愛古書樂而成之搜討磔裂擗撫融結離而同之與類推移不易時月而咸得縱其條貫森然若開群玉之府指揮聯累圭璋瓊璜之狀各有列位不失其叙雖第其價可也以文觀之則賦頌詩歌書奏詔策辨論之辭畢具以語觀之則右史紀言尚書戰國策成敗興壞之說大備無不苞也噫是以為學者之端耶始吾少時有路子者自贊為是書吾嘉而叙其意而其書終莫能具卒俟宗直也故刪取其叙繫于左以為西漢文類首紀

東漢文類三十卷

晁氏曰五代曾嚴編

三國文類四十卷

陳氏曰不知何人集

唐文類三十卷

晁氏曰皇朝陶叔獻編

唐類表二十卷

陳氏曰館閣書有李吉甫所集唐類表五十卷未之見也

漢唐策要十卷

晁氏曰陶叔獻編

續本集詩二卷

晁氏曰偽吳慶常子撰未詳其人自有序云此覽孟初中本事

詩輒搜篋中所有依前題七章類而編之皆唐人詩也

才調集十卷

陳氏曰後蜀章毅集唐人詩

洞天集五卷

陳氏曰漢王貞範集道家神仙隱逸詩篇漢乾祐中也

煙花集五卷

陳氏曰蜀後主王衍集豔詩二百篇且為之序

文苑英華一千卷

陳氏曰太平興國七年命學士李昉扈蒙徐鉉宋白等閱前代

文學撮其精要以類分之續又命蘇易簡王祐等至雍熙三年

書成

王氏揮麈錄曰太平興國中諸降王死其舊臣或宣怨言太宗

盡收用之寘之館閣使脩群書如冊府元龜文苑英華太平廣  
記之類廣其卷帙厚其廩祿贍給以役其心多卒老於文字之  
間云

平南周氏跋文苑英華後曰臣伏觀太宗皇帝丁時太平以文  
化成天下既得諸國圖籍聚名士于朝詔脩三大書曰太平御  
覽田冊府元龜曰文苑英華各一千卷今二書闕蜀已刊惟文  
苑英華士大夫間絕無而僅有蓋所集止唐文章如南北朝間  
存一二時印本絕少雖韓柳元白之文尚未甚傳其他如陳  
子昂張詠九齡李翱諸名士文籍世猶罕見故脩書官於宗元  
君易權德輿李商隱顧雲羅隱或全卷收入當真宗朝姚鉉銓  
擇十一號唐文粹由簡故精所以盛行迨歲唐文摹印浸多不  
假英華而傳况卷帙浩繁人力難及其不行於世則宜臣事孝

宗皇帝間聞聖諭欲刻江鈿文海臣奏其去取差謬不足觀帝  
乃詔館閣哀集皇朝文鑑臣因及英華雖秘閣有本然舛誤不  
可讀俄聞傳旨取入遂經乙覽時御前置校正書籍一二十員  
皆書生稍習文墨者月給餐錢滿數歲補進武校尉既得此為  
課程徃徃妄加塗注繕寫粧飾付之秘閣後世將遂為定本臣  
過計有三不可國初文籍雖寫本然校讐頗精後來淺學改易  
浸失本旨今乃盡以印本易舊書是非相亂一也凡廟諱未祧  
止當闕筆而校正者於賦中以商為殷以洪易弘或值押韻全  
韻隨之至於唐諱及本朝諱存改不定二也元缺一句或二句  
或頗用古語乃以不知為知擅自增損使前代遺文幸存者轉  
增疵類三也頃嘗屬荆帥范仲藝均倅丁介稍加校正晚幸退  
林編求別本與士友詳議疑則缺之凡經史子集傳註通典通

文獻卷二百四十一  
鑑及藝文類聚初學記下至樂府釋老小說之類無不參用惟  
是元脩書歷年多非出一手叢脞重複首尾銜失一詩或折為  
三二詩或合為一姓名差互先後顛倒不可勝計其間賦多用  
負來非讀秦誓正義安知今日之云字乃負之省文以堯韭對  
舜榮非讀本草註安知其為菖蒲又如切磋之磋馳驅之驅掛  
帆之帆仙裝之裝廣韻各有側音而流俗改切磋為效課以駐  
易驅以席易帆以仗易裝今皆正之詳註逐篇之下不復徧舉  
始讐於嘉泰改元春至四年秋訖工蓋欲流傳斯世廣熙陵右  
文之盛彰阜陵好善之優老臣發端之志深懼求者之莫知其  
由故列興國至雍熙成書歲月而述證誤本末如此缺疑尚多  
謹俟來哲

群書麗藻六十五卷

陳氏曰按三朝藝文志一千卷崔遵度編中興館閣書目凡有  
目錄五十卷云南唐司門員外郎崔遵度撰以六例總括古今  
之文一曰六籍瓊華二曰信史瑤英三曰玉海九沉四曰集苑  
金鑿五曰絳闕藥珠六曰鳳首龍編為二百六十七門總一萬  
三千八百首今無目錄合三本共存此卷數斷續訛缺不復成  
書當其傳寫時固已如此矣其目止有四種無金鑿藥珠二類  
姑存之以備缺文按江南餘錄載遵度青州人居金陵高尚不  
仕中書書目云司門郎未知何據也

文選目錄二卷

陳氏曰丞相元獻公晏殊集中興館閣書目以為不知名誤也  
大畧欲續文選故亦及於庾信何遜陰鏗諸人而云唐人文者  
亦非蕭田李氏有此書凡一百卷力不暇傳姑存其目

唐百家詩選二十卷

晁氏曰宋朝宋敏求次道編次道為三司判官嘗取其家所藏唐人一百八家詩選擇其佳者凡一千二百四十六首為一編王介甫觀之因再有所去取且題云欲觀唐詩者觀此足矣世遂以為介甫所纂

陳氏曰世言李杜韓詩不與為有深意其實不然按此集非特不及此三家而唐名人如王右丞韋蘇州元白劉柳孟東野張文昌之倫皆不在選意荆公所選特世所罕見其顯然在人者固不待選耶抑宋氏獨有此一百五集括而擇之他不復及耶未可以臆斷也

四家詩選十卷

陳氏曰王安石所選杜韓歐李詩其置李於末而歐反在其上或亦謂有抑揚云

唐宋類詩二十卷

晁氏曰宋朝僧仁贊序稱羅唐兩士所編而不載其名分類編次唐及宋朝祥符以前名人詩

西崑酬唱集二卷

晁氏曰楊億劉筠李宗諤晁某錢惟演及當時同館十五人唱和詩凡二百四十七章前有楊億序

陳氏曰所謂崑體者於此可見

歐公詩話曰揚大年與錢劉諸公唱和自西崑集出時人爭效之詩體一變而先生老輩患其多用故事至於語僻難曉殊不知自是學者之蔽如子儀一作大年新蟬云風來玉宇鳥先轉露下金莖鵲未知誰用故事何害為佳句也又如大年詩峭帆橫渡

官橋柳疊鼓驚飛海岸鷗其不用故事又豈不佳乎蓋其雄文  
博學筆力有餘故無施而不可非如前世號詩人者區區於風  
雲草木之類為許洞所困也

寶刻叢章三十卷

晁氏曰宋朝宋敏求次道編次道聚天下古人詩歌石刻一千  
一百三十篇多有別集中所逸者以其相附近者相從又次以  
歲月先後王益柔為之序云文章難能者莫如詩凡刻之金石  
者則必其自以為得或作於人所愛重者故多有清新瓌麗之  
語覽者其深究焉

三謝詩一卷

陳氏曰集謝靈運惠連玄暉詩不知何人集中興書目云唐庚  
子西

謝氏蘭玉集十卷

陳氏曰吳興汪聞集謝安而下子孫十六人詩三百餘篇聞熙  
寧六年進士序稱新天子即位之歲元祐元年也

樂府集十卷解題一卷

陳氏曰題劉次莊中興書目直云次莊撰取前代樂府分類為  
十九門而各釋其命題之意按唐志樂類有樂府歌詩十卷者  
二有吳兢樂府古題要解一卷今此集所載止於隋人則當  
是唐集之舊而序文及其中頗及杜甫韓愈元白諸人意者次  
莊因舊而增廣之歟然館閣書目又自有吳兢題解及別出古  
樂府十卷解題一卷未可考也

樂府詩集一百卷

陳氏曰太原郭茂倩集凡古今號稱樂府者皆在焉其為門十



有二首尾皆無序文中與書目亦不言其人本末按茂倩侍讀學士郭仲履之孫昭陵名臣也本鄆州須城人有子曰源中源明茂倩源中之子也但未詳其官位所至

歲時雜詠二十卷

晁氏曰宋朝宋綬編宣獻公昔在中書第三閣手編古詩及魏晉迄唐人歲時章什一千五百有六厘為十八卷今益為二十卷云

唐僧詩三卷

陳氏曰吳僧法欽集唐僧三十四人詩二百餘篇楊傑次公為之序

後村劉氏曰唐僧見於韓氏者七人唯大顛穎師免朝侮高閑草書頗見貶抑如惠如靈如文暢如澄觀直以為戲笑之具而已靈尤跌蕩至於醉花月而羅嬋娟豈佳僧乎韓公方欲冠其顛始聞澄觀能詩欲加冠巾及觀來謁見其已老則又潛然惜其無及所謂善戲謔不為虐者耶

九僧詩集一卷

晁氏曰宋朝僧希畫保暹文兆行肇簡長惟鳳惠業半昭懷古也陳充為序凡一百十篇歐公曰進士許洞因會九僧分題出一紙約曰不得犯一字其字乃山水風雲竹石花草雪霜禽日星鳥之類於是諸僧皆閣筆此本出李夷中家其詩可稱者甚多惜乎歐公不盡見之許洞之約雖足以困諸僧然論詩者正不當爾蓋詩多識鳥獸草木之名而楚辭亦寓意於颺風雲霓如池塘生春草窓間列遠岫天際識歸舟雲中辨江樹蟬噪林逾靜鳥鳴山更幽庭草無人隨意綠宮漏出花遲楓落吳江冷

空梁落燕泥微雲淡河漢踈雨滴梧桐殘星幾點鴈橫塞長笛  
一聲人倚樓雞聲茅店月人迹板橋霜之類莫不犯之若使此  
諸公與許洞分題亦須閣筆矧其下者哉

陳氏曰凡一百七首景德初直昭文館陳充序用之曰琢玉工  
以對姚答射鵬手九人惟惠崇有別集歐公詩話乃云其集已  
亡惟記惠崇一人今不復知有九僧未知何也

歐陽公詩話曰國初浮屠以詩名于世者九人故時有集號九  
僧詩今不復傳矣余少時聞人多稱其一曰惠崇餘八人者忘  
其名字余亦畧記其詩有云馬放降來地鵬盤戰後雲又云春  
生桂嶺外人在海門西其佳句多類此

瑤池新集一卷

晁氏曰唐蔡省風集唐世能詩婦人李秀蘭至程長文二十三  
人詩什一百十五首各為小序以冠其前且總為序其畧云世  
叔之婦修史屬文皇甫之妻抱忠善隸蘇氏雅於回紇蘭莫擅  
於官掖晉紀道韞之辨漢尚文姬之辭况今文明之盛乎  
名臣贊神隱君書啓一卷

陳氏曰祥符諸賢所與神放明逸書牘也首篇張司空齊賢書  
自叙平生出處甚詳可以見國初名臣氣象

仕塗必用集二十一卷

晁氏曰宋朝祝熙載編本朝揚劉以後諸公表啓為一編

陳氏曰吳郡祝熙載序云陳君材夫所編皆未詳何人錄景德  
以來人表歲雜文亦有熙載所作者題為祝著作當是未改官  
制前人也

三家宮詞三卷

陳氏曰唐王建蜀花藥夫人宋朝丞相王珪三人所著

五家宮詞五卷

陳氏曰石晉宰相和凝宋朝學士宋白中大夫張公庠直秘閣周彥質及王仲脩共五人各百首仲脩當是珪之子

丹陽類藻十卷

晁氏曰宋朝曾昉編元豐中昉守官潤州因采諸家之集始自東漢終于南唐凡得歌詩賦贊五百餘篇

雲臺編六卷

晁氏曰宋朝耿思柔纂華州雲臺觀古今君臣所題詩什

清才集十卷

晁氏曰宋朝劉禹卿編輯古今題劍門詩什銘賦蒲逢為序

和陶集十卷

陳氏曰蘇氏兄弟追和傳共註

汝陰唱和集一卷

陳氏曰元祐人蘇軾子瞻守穎與簽判趙令時德麟教授陳師道無已唱和晁說之以道為之序李薦方叔後序二序皆為德麟作

論言集一百卷

晁氏曰或編宋朝制冊詔誥成此書以為皆王言也故以為名太平盛典二十三卷

晁氏曰或編政和間制誥表章多有可觀者

續中興制草三十卷

丞相益公周必大集自為序曰嘉祐中歐陽脩建言學士所作文書皆繫朝廷大事示於後世則為王者之謨訓藏之有司乃

是本朝之故實而景祐以後漸成散失於是以前類年次編為卷秩號學士院草錄中經兵火文人故家僅傳所課玉堂集及大詔令者其全書不可得而見矣近歲承旨洪遵起建炎中興迄紹興內禪三紀之間得制草六十四卷序而藏之復十年于茲今乃命院吏哀隆興以來舊藁繼遵所編而以上太上皇帝尊號表文為之首其餘制詔各從其類復增召試館職策問合三十卷繼今隨事附益則卷帙未止在後人續之而已

高麗詩三卷

晁氏曰元豐中高麗遣崔思齊李子威高琬康壽平李德入貢上元宴之於東闕下神宗製詩賜館伴畢仲行仲行與五人者及兩府皆和進其後使人金梯朴質亮裴亮李絳孫盧柳金化珍等途中唱和七十餘篇自編之為西上雜詠孫為之序

聖宋文粹三十卷

晁氏曰不題撰人輯慶曆間群公詩文劉牧黃通之徒皆在其選

宋文海一百二十卷

晁氏曰江鈿編集本朝諸公所著賦詩表啓書論說述議記序傳文贊頌銘碑制詔疏詞誌挽祭禱文凡三十八門雖頗該博而去取無法

皇宋詩選五十七卷

晁氏曰宋朝曾慥編愷魯公喬孫守贛川帥荆渚日選本朝自寇萊公以次至僧璉二百餘家詩序云博采旁搜拔尤取類悉表而出焉

陳氏曰慥字端伯官至太府卿編此所以續荆公之詩選而鑒

識不高去取無法為小傳畧無義類議論亦凡鄙陸放翁以比  
中興間氣集謂相甲乙非虛語也其言歐王蘇不入選以擬荆  
公不及李杜韓之意荆公前選不然余固言之矣

唐三百家文粹四百卷

眉山成叔陽編後溪劉氏序畧曰往時有唐文粹百卷姚鉉之  
所銓纂已倍於古今眉山成君乃增益之至三百家為四百卷  
嗚呼何其多也文之多者可以察治言之富者可以觀德眉士  
鄉多藏書叔陽所以盡力乎其間豈徒然哉叔陽薦於鄉既成  
此書蓋余序之

皇朝文鑑一百五十卷

陳氏曰呂祖謙編周益公為序既成封以遺呂一讀命藏之蓋  
亦未當乎呂之意也張南軒以為無補治道何益後學而朱晦

庵晚年堂語學者曰此書編次篇篇有意每卷首必取一大文  
字作壓卷如賦取五鳳樓之類其所載奏議亦繫一時政治大  
節祖宗二百年規模與後來中變之意盡在其間非遷粹比也  
建炎以來朝野雜記文鑑者呂祖謙被旨所編也先是臨安書  
坊有所謂聖宋文海者近歲江鈿所編孝宗得之命本府校正  
刻板時淳熙四年十一月也周益公以學士輪當內直因奏言  
此編去取差謬殊無倫理莫若委館閣官銓擇本朝文章成一  
代之書上大以為然曰卿可理會益公奏乞委館職後二日伯  
恭以秘書郎轉對上遂令伯恭校正本府開雕始趙丞相以西  
府奏事上問伯恭文采及為人如何趙力薦之故有是命伯恭  
言文海元繫書坊一時刊行名賢高文大冊尚多遺落乞一就  
增損仍斷自中興以前銓次庶可行遠許之又命知臨安府趙

儲老并本府教官二員同伯恭校正儲老言臣府事繁委慮妨  
本職兼策府書籍亦難令教官携出乞專令祖謙校正從之於  
是伯恭盡取秘府及士大夫所藏本朝諸家文集旁采傳記他  
書悉行編類凡六十一門為百五十卷既而伯恭再遷著作郎  
兼禮部郎官五年十二月得中風病六年正月引疾求去有旨  
予郡後十三日乃以書進二月上諭輔臣曰祖謙編類文海採  
摭精詳可除直秘閣又宣諭賜銀帛三百疋兩時方嚴非有功  
無除職之令舍人陳叔進駁之輔臣奏事上曰謂祖謙平日好  
名則有之今此編次文海採取精詳且如奏議之類有益治道  
故以寵之可即命詞叔進不得已草制曰館閣之職文史為先  
爾編類文海用意甚深採取精詳有益治道寓直中秘酬寵良  
多爾當知恩之有自省行之不誣用竭報焉人斯無議時益公  
為禮部尚書兼學士得旨撰文海序奏乞各皇朝文鑑從之時  
序既成將刻板會有近臣密啓云所載臣僚奏議有詆及祖宗  
政事者不可示後世乃命直院崔大雅更定增損去留凡數十  
篇然訖不果刻也張南軒時在江陵移書晦庵曰伯恭好弊精  
神於閑文字中徒自損何益如編文海何補於治道何補於後  
學徒使精神困於繙閱亦可憐耳承當編此等文字亦非所以  
承君德也今孝宗實錄書此事頗詳未知何人當筆其詞云初  
祖謙得旨校正蓋上意令校讎差誤而已祖謙乃奏以為去取  
未當欲乞一就增損三省取旨許之甫數日上仍命儲老與臨  
安教官二員同校正則上意猶如初也時祖謙已誦言皆當太  
去取其實欲自為二書非復如上命議者不以為可儲老及教  
官畏之不敢與共事故辭不敢預而祖謙方自謂得計及書成

前輩名人之文，蒐彌殆盡，有通經而不能文辭者，亦以表奏廁其間，以自矜黨同伐異之功，薦紳公論皆疾之。及推恩除直秘閣中書舍人陳騷，繳還批，再下騷，雖奉命，然頗詆薄之。祖謙不敢辨也。其書上不復降出，云史臣所謂通經而不能文詞，蓋指伊川也。時侂胄以道學為禁，故詆伯恭如此。而牽聯及於伊川，云然。余謂伯恭既為詞臣，醜詆自當力辭，職名受之，非矣。黃直卿亦以余言為然。

朱子語錄伯恭文鑑有止編，其文理佳者有其文，且如此而衆人以為佳者，有其文，雖不甚佳，而其人賢名微，恐其泯沒，亦編其一二篇者，有文雖不佳，而理可取者，凡五例，已忘其一。熹與伯恭書云：文鑑條例甚當，今想已有次第，但一種文勝而義理乖僻者，恐不可取其只為虛文，而不說義理者，却不妨耳。佛老文字，恐須如歐陽公登真觀記、曾子固仙都觀菜園寺記之屬，乃可入。其他贅邪害正者，文詞雖工，恐皆不可取也。熹讀文鑑曰：伯恭去取之文，如某平時不熟者，也不敢斷，他有數般，皆某熟看底，今揀得無巴鼻。如詩好底，都不在上，而却載那衰頌底，把作好句法，又無把作好意思，又無把作好勸戒，亦無康節詩如天向一中分造化，人從心上起，經綸却不編入。

又曰：文鑑後來為人所譖，復令崔敦詩刪定，奏議多刪改之。如蜀人呂絢有一文論制師服此意甚佳，呂止收此一篇。崔云：絢多少好笑，何獨收此，遂去之，更無入他文。

又曰：如編得沈存中律曆一篇說渾天儀亦好。

水心葉氏曰：此古類書，未有善於此者。按上世以道為治，而文出於其口，戰國至秦，道統放滅，自無可論。後世可論，惟漢唐然。

既不知以道為治當時見於文者往往訛雜乖戾各恣私情極其所到便為雄長類次者復不能歸一以為文正當耳華忘實巧傷正蕩流不反於義理愈害而治道愈遠矣此書刊落浩穰百存一二苟其義無所攷雖甚文不錄或於事有所該雖稍質不廢鉅家鳴筆以浮淺受黜稀名短句以幽遠見收合而論之大抵欲約一代治體歸之於道而不以區區虛文為主余以舊所聞於呂氏又推言之學者可以覽焉然則謂莊周相如為文章宗者司馬遷韓愈之過也周必大承詔為序稱建隆淳熙之間其文偉咸平景德之際其文博天聖明道以前在者不能一一之辭達按呂氏所次二千餘篇天聖明道以前在者不能一一其工拙可驗矣文字之興萌芽於柳開耒脩而歐陽脩最有力曾鞏王安石蘇洵父子繼之始大振改蘇氏謂天聖景德斯文

終有魏於古此論世所共知不可改安得均年折說各擅其美乎及王氏用事以周孔自比掩絕前作程氏兄弟發明道學從者十八九文字遂復淪壞則所謂熙寧元祐其辭達亦豈的論哉且人主之職以道出治形而為文堯舜禹湯是也若所好者文由文合道則必深明統紀洞見本末使淺知狹好無所行於其間然後能有助於治乃侍從之臣相與論思之力也而此序無一字不諂尚何望其開廣德意哉蓋此書以序而晦不以序而顯學者宜省觀也

又曰文字總集各為流別始於贄虞以簡代繁而已未必有意然聚之既多則勢亦不能久薄今其遠者獨一文選尚存以其少也近世多者至百千卷今雖尚存後必淪逸獨呂氏文鑑去取最為有意止百五十卷得繁簡之中鮮遺落之患所可惜者



前代文字源流不能相接若自本朝至渡江則粲然矣

歷代確論一百一卷

陳氏曰不知何人集自三皇五帝以及五代凡有論述者隨世代編次之

文獻通考卷之二百四十八

文獻通考卷之二百四十九

鄒陽 馬 端臨 貴與 著

經籍攷

集 總集

江西詩派一百三十七卷續派十三卷

陳氏曰黃山谷而下三十五家又曾絃魯思父子詩詳見詩集

類詩派之說本於呂居仁前輩多有異論觀者當自得之

漁隱叢話呂居仁近世以詩得名自言傳衣江西常作宗派圖

自豫章以降列陳師道潘大臨謝無逸洪芻饒節僧祖可徐俯

洪朋林敏修洪炎汪革李錞韓駒李彭晁冲之江端本楊符謝

邁夏隗林敏功潘大觀何顥王直方僧善權高荷合二十五人

以為法嗣謂其源流皆出豫章也其宗派圖序數百言大畧云

唐自李杜之出焜耀一世後之言詩者皆莫能及至韓柳孟郊張籍諸人激昂奮厲終不能與前作者並元和以後至國朝歌詩之作或傳者多依效舊聞未盡所趣惟豫章始大出而力振之抑揚反覆盡兼衆體而後學者同作並和雖體制或異要皆所傳者一予故錄其名字以遺來者余切謂山谷自出機杼別成一家清新奇巧是其所長若言抑揚反覆盡兼衆體則非也元和至今騷翁墨客代不乏人觀其英辭傑句真能發明古人不到處卓然成立者甚衆若言多依效舊文未盡所趣又非也所列二十五人其間知名之士有詩卷傳於世為時所稱考止數人而已其餘無聞焉亦濫登其列居仁此圖之作選擇弗精議論不公余是以辯之

後村劉氏總序曰呂紫微作江西宗派自山谷而下凡二十六人內何人表顯潘仲達六觀有姓名而無詩詩存者凡二十四家王直方詩絕少無可采餘二十三家却快稍多今取其全篇佳者或一聯一句可諷詠者或對偶二者各著于編以便觀覽

泚中如陳后山彭城人韓子蒼陵陽人潘邠老黃州人夏均父二林蘄人晁叔用江子之開封人李商老南康人祖可京口人高子勉京西人非皆江西人也同時如魯文清乃贛人又與紫微公以詩往還而不入泚不知紫微去取之意云何惜當日無人以此叩之後來誠齋出誠得所謂活法所謂流轉圓美如彈丸者恨紫微公不及見耳浙東舊本以東萊居后山上非是今以繼宗泚庶不失紫微公初意

輅軒集一卷

張氏曰鄱陽洪皓歷陽張邵新安朱弁使虜得歸道間唱酬邵

為之序

古今絕句三卷

陳氏曰吳說傳朋所書杜子美王介甫詩師禮之子王令逢原之外孫也

玄真子漁歌碑傳集錄一卷

陳氏曰玄真子漁歌世止傳誦其西塞山前一章而已嘗得其一時唱和諸賢之辭各五章及南卓柳宗元所賦通為若干章因以顏魯公碑述唐書本傳以至近世用其詞入樂府者集為一編以備吳興故事

艇齊師友尺牘二卷

陳氏曰南豐曾季狸喪父之師友往復書簡其子緝輯而刻之自呂居仁徐師川以降下至淳熙乾道諸賢咸在焉喪父蕭然布衣而名流敬愛之若此足以知其人之賢且見當時風俗之美也

贈文集一卷

陳氏曰朝請郎嚴煥刻於江陰韓吏部而下雜文二十餘篇唐人絕句詩集一百卷

陳氏曰洪邁景廬編七言七十五卷五言六言二十五卷卷各百首凡萬首上之重華宮可謂博矣而多有本朝人詩在其中如李九齡郭震滕白王禹偁王初之屬其尤不深考者梁何仲言也

後村劉氏曰野處洪公編唐人絕句僅萬首有一家數百首並取不遺者亦有復出者疑其但取唐人文集雜說今人抄類而成書非必有所去取也

唐絕句選五卷

陳氏曰甫田柯夢得東海編所選僅一百六十六首去取甚嚴然人之好惡亦隨所見耳

唐絕句選四卷

陳氏曰倉部郎中福清林清之直父以洪氏雜句抄取其佳者七言一千二百八十五言百五十六六言十五首

考德集三卷

陳氏曰彊至所集韓魏公薨後時賢祭文挽詩

四家胡笳詞一卷

陳氏曰蔡琰劉商王安石李元白也

選詩七卷

陳氏曰文選中錄出別行以人之時代為次

宏辭總類四十一卷後集三十五卷第三集十卷第四集九卷

陳氏曰起紹聖乙亥迄嘉定戊辰皆刻於建昌軍學相傳紹興中太守陸時雍所刻前集也餘皆後人續之戊辰以後時相不喜此科三司務以艱僻之題因試者縱有記憶不遺文采可觀輒復推求小疵以故久無中選者初紹聖設科但曰宏詞不試制誥止於表檄露布戒諭歲銘頌記序九種亦不用古題及太觀改曰詞學兼茂去戒諭及檄而益以制誥亦為九種四題而二題以歷代故事及紹興始名以博學宏詞復益以誥贊檄為十一種三日試六題各一今一古遂為定制

古文關鍵二卷

陳氏曰呂祖謙所取韓柳歐蘇曾諸家文標抹註釋以教初學

迂齋古文標註五卷

迂齋古文標註五卷

迂齋古文標註五卷

迂齋古文標註五卷

陳氏曰宗正寺簿四明樓昉暘叔撰大畧如呂氏關鍵而所取自史漢而下至於本朝篇目增多發明尤精學者便之  
歷代奏議十卷

陳氏曰呂祖謙集

國朝名臣奏議十卷

陳氏曰呂祖謙集凡二百篇

皇朝名臣奏議一百五十卷

陳氏曰丞相沂國忠定公趙汝愚編進時為蜀帥

自序曰恭惟我宋藝祖開基累聖嗣業深仁厚澤相傳一道若夫崇建玉館增置諫員許給舍以封還責侍從以獻納復唐轉對之制設漢方正之科凡以廣聰明容受謹直海涵天覆日新月益得人之盛高掩前古逮至王安石為相務行新法違眾自用而患人之莫已從也於是指老成為流俗謂公論為浮言屏棄忠良一時殆盡自是而後諂諛之風盛而朋黨之禍起矣臣伏觀建隆以來諸臣章奏攻尋歲月蓋最盛於慶曆元祐之際而漸弊於熙寧紹聖之時方其盛也朝廷庶事微有過差則上自公卿大夫下及郡縣小吏皆得盡言極諫無所諱忌其議論不已則至於舉國之士咸出死力而爭之黨是時也豈無不利於言者謂其彊聒取名植黨干利期以搖動上心然而聖君賢相率善遇而優容之故其治効卓然士以增氣及其弊也朝廷有大黜陟大政令至無一人敢議論者縱或有之其言委曲畏避終無以感悟人主之意而獻諛者遂以為內外安靜若無一事可言者矣殊不知禍亂之機發於所伏今尚忍言哉臣仰惟陛下嘗命館閣儒臣編類國朝文鑑奏疏百五十六篇猶病其

陛下嘗命館閣儒臣編類國朝文鑑奏疏百五十六篇猶病其

太畧茲不以臣既愚且陋復許之盡獻其言萬幾餘間特賜紬  
繹推觀慶曆元祐諸臣其詞直其計從而見效如此熙寧紹聖  
諸臣其言切其人放逐而致禍如彼然則國家之治亂言路之  
通塞蓋可以鑒矣

續百家詩選二十卷

陳氏曰三衢鄭景龍伯允集以續曾慥前選凡慥所遺及在慥  
後者皆取之然其率畧尤甚

江湖集九卷

陳氏曰臨安書坊所刻本取中興以來江湖之士以詩馳譽者  
而方惟深子通承平人物晁公武子止嘗為從官乃亦在其中  
其餘亦未免玉石蘭艾混雜邈然而士之不能自暴白於世  
者賴此以有傳書坊巧為射利未可以責備也

回文類聚三卷

陳氏曰桑世昌澤卿集以璇璣圖為本初而併及近世詩詞且  
以至道御製冠于篇首

送朱壽昌詩三卷

中興藝文志皇朝司農少卿朱壽昌生數歲而母嫁五十年不  
相知熙寧初棄官於同州求得之乃屈資求為蒲中俸士大夫  
作詩送之

江湖堂詩集一卷

中興藝文志皇朝知洪州元積中詠其居和者數十人

世綵集三卷

中興藝文志政和中廖剛曾祖母祖母年最高皆及見五世孫  
剛作堂名世綵以奉之士大天為作詩

文獻卷二百四十九  
滁陽慶曆集十卷後集十卷

陳氏曰朝散郎滁人徐徽仲无集斷自慶曆以來曾肇子開紹聖中謫守為之序其後集則吳玘張康朝王彥恭所續宣和四年唐恪欽叟序之末及紹興蓋又後人續入之爾

吳興詩一卷

陳氏曰熙寧中知湖州孫氏集而不著名以其時政之孫覺莘老也

吳興分類詩集三十卷

陳氏曰雪川倪祖義子由編大抵以孫氏所集大略而增廣之且併及近時諸公之作然亦病於太詳祖義齊齋之子以俊該治仕未達年五十以死

會稽掇英集二十卷續集四十五卷

陳氏曰熙寧中郡守孔延之程師孟相繼纂集其續集則嘉定中汪綱俾郡人丁燧為之

潤州類集十卷

陳氏曰監潤州倉曹曾收彥和纂始東漢終南唐京口詩集十卷續二卷

陳氏曰鎮江教授熊克集開寶以來詩文本二十卷止刻其詩又得二卷自南唐而上曾所遺者補八十餘篇

永嘉集三卷 嘉禾詩一卷

陳氏曰並不知集者

天台集二卷別編一卷續集三卷

陳氏曰初李庚子長集本朝人詩為二卷末行太守李兼孟達得之又得郡士林師箴所集前代之作為賦二詩二百乃以本

朝人詩為續集而併刻焉別編則師箴之子表民所補也

枯蒼集三卷後集五卷別集四卷

陳氏曰郡人吳飛英陳百朋相繼纂輯

鈞臺新集六卷續集十卷

陳氏曰郡人王真集續者郡守謝得與子上也

長樂集十四卷

陳氏曰福建提刑吳與俞尚集宣和三年序

清漳集三十卷

陳氏曰通判漳州趙不敵編

揚州詩集二卷

陳氏曰教授馬希孟編元豐四年秦觀作序

少游序略曰鮮于公領州事之二年命教授馬君採諸家之集

而次之又搜訪於境內簡編碑板亡缺之餘凡得古律詩洎箴

賦合二百二篇勒為三卷號揚州集按禹貢淮海惟揚州則江

湖之間盡其地自漢以來既置刺史於是稱揚州者往往指其

刺史所治而已漢以來刺史無常治或歷陽壽春曲阿合肥建

業而江左復以會稽為東揚州自隋以後始治廣陵此集之作

自魏文帝詩而下在當時雖非揚州而實今之廣陵者皆取之

其非廣陵而當時為揚州者皆不復取云

宣城集三卷

陳氏曰知宣州安平劉涇元符三年序

南州集十卷

陳氏曰太平州教授林桶子長集

南紀集五卷後集三卷

南紀集五卷後集三卷



文獻卷二百四十九  
陳氏曰知漢陽軍于寔教授施士衡編其後集則教授鞏豐也

湘江集三卷

陳氏曰不知何人集湘江者韶州曲江別名

良嶽集一卷

陳氏曰不知集者其首則御製記文也

稅花源集二卷又二卷

陳氏曰紹聖丙子四明田孳序淳熙庾子縣令趙彥琇重編合為一卷下卷則淳熙以後所續

庾樓紀述三卷琵琶亭詩一卷東陽紀詠四卷

陳氏曰俱不知集者

盤洲編二卷

陳氏曰洪丞相適兄弟子姪所賦園池詩也

瓊野錄一卷

陳氏曰學士洪邁園池記述題詠其曰瓊野者從維揚得瓊花植之而生遂以名園

清輝閣詩一卷

陳氏曰史正志創閣於金陵僚屬皆賦詩

會稽紀詠六卷

陳氏曰汪綱仲舉帥越多所修剏嚴陵洪璞每事為一絕廢者四人曰張漫王棟程震龍馮大章又有諸葛興為古詩二十篇

蕭秋詩集一卷

陳氏曰玉山徐文卿斯遠作蕭秋詩四言九章章四句趙蕃昌庸而下和者十三人紹熙辛亥也趙汝談履常亦與焉後三十三年嘉定癸未乃序而刻之文卿晚第進士未注官而死有詩

見江湖集

唐山集一卷後集三卷

陳氏曰下園宋攸編唐山者臨安昌化縣也

後典麗賦四十卷

陳氏曰金華唐仲友與政編仲友以詞賦稱於時此集自唐末

以及本朝盛時名公所作皆在焉止於紹興間有王戊集典麗

賦九十三卷故此名後典麗賦王氏集未見

指南賦箋五十五卷 指南賦經八卷

陳氏曰皆書坊編集時文止於紹熙以前

指南論十六卷又本前後二集四十六卷

陳氏曰淳熙以前時文

擢犀策一百九十六卷 擢象策一百六十八卷

陳氏曰擢犀者元祐宣政以及建紹初年時文也擢象則紹興

未大抵科舉場屋之文愈降愈下後生亦不復知前輩之舊作

姑存之以觀世事

文章正宗二十卷

陳氏曰參知政事真德秀希元撰自序正宗云者以後世文詞

之多變欲學者識其源流之正也自昔集錄文章若杜預摯虞

諸家往往湮沒不傳今行於世者惟梁昭明文選姚鉉文粹而

已繇乎賦之二書所錄果得源流之正乎故今所集以明義理

切世用為主其體本乎古而指近乎經者然後取焉否則辭雖

工亦不錄其目凡四曰辭命曰議論曰叙事曰詩賦去取甚嚴

序辭命曰書之諸篇聖人筆之於經不當與後世文辭同錄獨

取春秋內外傳所載周天子諭告諸侯之辭列國往來應對之

文章正宗

卷一百九

六

辭下至兩漢詔冊而止蓋魏晉以降文辭猥下無復深淳溫厚之指至偶儷之作興而去古益遠矣學者欲知王言之體當以書之誥誓命為主而參之以此篇則所謂正宗者庶可識矣序議論曰六經語孟聖賢大訓不當與後之作者同錄而獨取春秋內外傳所載諫爭論說之辭先漢以後諸臣所上書疏封事之屬以為議論之首他所纂述或發明義理或敷析治道或褒貶人物以次而列焉

序叙事曰今於書之諸篇與史之紀傳皆不復錄獨取左氏史漢叙事之可喜者與後世記事傳誌之典則簡嚴者以為作文之式若夫有志於史筆者自當深求春秋大義而參之遷固諸書非此所能該也

序詩歌曰朱文公嘗言古今之詩凡三變蓋自書傳所記虞夏以來下及魏自為一等自晉宋間顏謝以後下及唐初自為一等自沈宋以後定著律詩下及今日又為一等然自唐初以前其為詩者固有高下而法猶未變至律詩出而後詩之古法始為大變矣故嘗欲抽取經史諸書所載韻語下及文選古詩以盡乎郭景純陶淵明之作自為一編而附于三百篇楚辭之後以為詩之根本準則又於其下二等之中擇其近於古者各為一編以為之羽翼與衛其不合者則悉去之不使其接於胷次要使方寸之中無一字世俗語言意思則其為詩不期於高遠而自高遠矣今惟虞夏二歌與三百五篇不錄外自餘皆以文公之言為準而按其尤者列之此篇律詩雖工亦不得與若箴銘頌贊郊廟樂歌琴操皆詩之屬間亦采摘一二以附其間至於詞賦則有文公集註楚辭後語今亦不錄或曰此編以明

義理為主後世之詩其有之乎曰三百五篇之詩其正言義理者無幾而諷詠之間悠然得其性情之正即所謂義理也後世之作雖未可同日而語然其間寄興高遠讀之使人忘寵辱去鄙吝脩然有自得之趣而於君親臣子大義亦時有發焉其為性情心術之助友有過於他文者蓋不必顯言性命而後為關於義理也讀者以是求之斯過半矣

後村劉氏曰文章正宗初萌西山先生以詩歌一門屬余編類且約以世教民彝為主如仙釋閨情宮怨之類皆勿取予取漢武帝秋風辭西山曰文中子亦以此詞為悔心之萌豈其然乎意不欲收其嚴如此然所謂獲佳人兮不能忘之語蓋指公卿扈從者似非為後宮設凡余所取而西山去之者大半又增入陶詩甚多如三謝之類多不收

集文史

文心雕龍十卷

晁氏曰晉劉勰撰評自古文章得失別其體制凡五十篇各繫之以贊云余嘗題其後曰世之詞人刻意文章讀書多成裂杜牧之以龍星為真龍王摩詰以去病為衛青昔人譏之然亦不足怪蓋詩賦或率爾之作故也今勰著書垂世自謂嘗夢執月漆器隨仲尼南行其自負亦不淺矣觀其論說篇論語以前經無論字六韜三論後人追題是殊不知書有論道經邦之言也其疎畧殊過於王杜矣

陳氏曰勰後為沙門名慧地

文章緣起一卷

陳氏曰梁太常卿樂安任昉彥昇撰但取秦漢以來不及六經

詩品三卷

陳氏曰梁記室參軍穎川鍾嶸仲偉撰以古今作者為三品而評之上品十一人中品三十九人下品六十九人

金針詩格三卷

晁氏曰唐白居易撰居易自謂與劉禹錫元稹皆以詩知名撮詩之體要為一格病得針而愈詩亦猶是也故曰金針集

詩格一卷

陳氏曰稱魏文帝而所述詩或在沈約後其為假託明矣

詩格一卷 詩中密旨一卷

陳氏曰唐王昌齡撰

評詩格一卷

陳氏曰唐李嶠撰嶠在昌齡之前而引昌齡詩格八病亦未然也

二南密旨一篇

陳氏曰唐賈岳撰凡十五門恐亦依託

文苑詩格一卷

陳氏曰稱白氏尤非也

詩式五卷 詩議一卷

陳氏曰唐僧皎然議以十九字括詩之體

風騷指格一卷 陳氏曰唐僧齊己撰

詩格一卷

陳氏曰沙門神或撰

虞囊訣一卷

陳氏曰金華僧保暹撰

經書考

流類手鑑一卷

陳氏曰僧虛中撰

詩評一卷

陳氏曰桂林僧德淳撰

擬皎然十七字一卷

陳氏曰稱正字王玄撰不知何人

炙轂子詩格一卷

陳氏曰唐王叡撰

句圖一卷

陳氏曰唐李洞撰

唐詩主客圖一卷

陳氏曰唐張為撰所謂主者白居易孟雲卿李益鮑溶孟郊武

元衡各有標目餘有升堂及門入室之殊皆所謂客也近世詩  
派之詩始出於此要皆有未然者

文章玄妙一卷

陳氏曰唐任藩言作詩聲病對偶之類凡世所傳詩格大率祖  
似余嘗書其末云論詩而若此豈復有詩矣唐末詩格汙下其  
一時名人著論傳後乃爾欲求高尚豈可得哉

修文要訣一卷

晁氏曰偽蜀馮鑑撰雜論為文體式評其設謬以訓初學云

緣情子鑑詩格一卷

陳氏曰題樵人李弘宣撰未詳何人當在五代前

詩格要律一卷

陳氏曰進士王慶簡撰

經籍考

風騷要式一卷

陳氏曰徐衍述亦未詳何人

琉璃堂墨家圖一卷

陳氏曰不著名氏

雅道機要二卷

陳氏曰前卷不知何人後卷稱徐寅撰

詩評一卷

陳氏曰不知何人

御製句圖一卷

陳氏曰太宗皇帝所選楊徽之詩十聯真宗皇帝所選送劉琮

詩八篇

楊氏筆苑句圖一卷續一卷

陳氏曰黃鑑編蓋楊億大年之所嘗舉者皆時賢佳句續者不

知何人亦大年所書唐人句也所錄李義山唐彦謙之句為多

崑體蓋出二家

惠崇句圖一卷

陳氏曰僧惠崇所作

孔中丞句圖一卷

陳氏曰中丞者或孔道輔耶

雜句圖一卷

陳氏曰不知何人所集皆本朝人詩也自魏文帝詩格而下二

十七家皆已見吟憲雜詠

續金針詩格一卷

晁氏曰梅堯臣聖俞撰聖俞遊廬山宿西林與僧希白談詩因

廣樂天所述云

陳氏曰二金針大抵皆假託也

吟窓雜詠三十卷

陳氏曰甫由蔡傳撰君謨之孫也取諸家詩格詩評之類集成之又為吟譜凡魏晉而下能詩之人皆畧具本末總為此書麻沙嘗有刻本節略不全

李公詩苑類格三卷

晁氏曰李淑撰寶元三年豫王出閣淑為王子傳因纂成此書上之述古賢作詩體格總九十目

林和靖摘句圖一卷

陳氏曰林逋詩句

詩三話一卷

陳氏曰無名氏

詩話一卷

晁氏曰歐陽脩永叔撰備退居汝陰戲作此以資談笑

續詩話一卷

晁氏曰司馬光君實撰序云詩話尚有遺者歐公文章聲名雖不可及然記事一也故敢續之

中山詩話三卷

晁氏曰劉攽貢父撰多及蘇梅歐石攽以博學名世如言蕭何未嘗掾工曹亦有誤謬

東坡詩話二卷

晁氏曰蘇軾號東坡居士雜書有及詩者好事者因集之成二卷

文獻卷二

詩話

三



師道詩話二卷

晁氏曰陳師道無已撰論詩七十餘條

潛溪詩眼一卷

晁氏曰范溫元實撰溫祖禹之子學詩於黃庭堅

歸叟詩話六卷

晁氏曰王直方立之撰直方自號歸叟元祐中蘇子瞻及其門下士以盛名居北門東觀直方世居浚儀有別墅在城南殊好事以故諸公亟會其家由是得聞緒言餘論因輯成此書然其間多以已意有所抑揚頗失是非之實宣和末京師書肆刊刻鬻之群從中以其多記從父啓事公語言得之以呈公公覽之不憚曰皆非我語也

潛溪漁隱曰王直方詩話載晁以道云說之初見東坡詠梅西

江月詞便知道此老須過海只為古今人不曾道到此須罰教去此言鄙俚近於忌人之長幸人之禍直方無識載之詩話寧不長人之譏諷乎

杜詩刊誤一卷

晁氏曰皇朝王仲至撰

韓文辨證八卷

晁氏曰洪興祖討論韓愈詩文推考其根源以訂正其訛謬頗為該博云

韓柳文章譜三卷

晁氏曰皇朝黃大輿撰大輿之意以為文章有莊老之異故取韓愈柳宗元文章為正體其一取其詩文中官次年月可改者次第先後著其初晚之意也其一悉取其詩文比叙之其一列

當時君相於上以見二公之出處極為詳悉

天厨禁鬻三卷

晁氏曰釋惠洪撰論諸家詩格

石林詩話二卷

陳氏曰葉夢得撰

續詩話一卷

陳氏曰無名氏

許彥周詩話一卷

陳氏曰襄邑許顛撰

四六談塵一卷

陳氏曰謝及景思撰

四六話一卷

陳氏曰王銍性之撰

四六餘話一卷

陳氏曰楊國撰未詳何人視前二家為汎雜

艇齋詩話一卷

陳氏曰曾季狸喪父撰

賦門魚鑰十五卷

陳氏曰進士馬偁撰集唐詩防而下至本朝采初諸家律賦格

訣

賓朋宴語三卷

陳氏曰太子中舍致仕貴溪立昶孟陽撰南唐進士歸朝宰數

邑著此書十五篇叙唐以來詩賦源流天禧辛酉鄧賀為序

西清詩話三卷

文獻卷一百四十一

西清詩話

陳氏曰題無名子撰或曰蔡條使其客為之也

環溪詩話一卷

陳氏曰臨川吳沆集

韻語陽秋二十卷

陳氏曰葛立方撰

漁魚叢話六十卷後集四十卷

陳氏曰新安胡仔元任撰待制舜陟之子居湖州自號荅溪漁

隱

碧溪詩話十卷

陳氏曰莆田黃徹常明撰

續廣本事詩五卷

陳氏曰嘉奉先撰雖曰廣孟啓之舊其實集詩話耳

山陰詩話一卷

陳氏曰李兼孟達撰

諸家老杜詩評五卷續一卷

陳氏曰莆田方深道集

選詩句圖一卷

陳氏曰高似孫編

杜詩發揮一卷

陳氏曰金華杜旆仲高撰

觀林詩話一卷

陳氏曰楚東吳聿子書撰未詳何人

文說一卷

陳氏曰南城包揚顯道錄朱待講論文之語

文說卷一

卷二

卷三

文獻通考卷之二百四十九

文獻通考卷之二百五十

鄱陽 馬 端臨 貴與 著

帝系考

帝號歷年

黃帝少典之子姓公孫名軒轅生於壽丘神農氏世衰諸侯相侵  
伐蚩尤最暴黃帝徵帥諸侯擒殺蚩尤諸侯尊黃帝為天子在位  
百年崩年百一十歲

帝顓頊高陽黃帝之孫昌意之子繼黃帝為天子在位七十八年  
崩年九十八歲

帝嚳高辛黃帝之曾孫玄囂之孫蟠極之子繼顓頊為天子在位  
七十年崩年百五歲

帝堯帝嚳之子姓伊初名放勳帝嚳崩而長子摯代立封堯為唐

侯帝摯立不善在位九年唐侯德盛乃禪位于虢侯堯以甲辰即位都平陽號陶唐氏在位七十年薦舜攝政又二十八年崩在位九十八年壽一百一十八首甲辰 盡癸未

帝舜顓頊七世孫瞽叟之子姓姚氏名重華年三十堯舉之年五十攝行天子事年五十八堯崩年六十一以丙戌歲代堯踐帝位都蒲阪號有虞氏三十一年以丙辰歲禪于禹又八年崩壽一百歲首丙戌 盡癸亥

夏禹顓頊之孫鯀之子姓姁氏名文命治水有功舜使宅百揆年七十三以丁巳歲受舜禪即天子位都平陽安邑在位二十七年癸未崩壽百歲

啓禹子以甲申嗣位九年壬辰崩  
太康啓子以癸巳嗣位二十九年辛酉以盤遊無度為有窮后羿距于河失邦而崩

仲康太康子以壬戌嗣位十三年甲戌崩  
帝相仲康子以己亥嗣位二十八年壬寅為羿所弑 寒浞殺羿并滅相之臣靡逃于有葛氏相之后還于有仍氏生少康至四

十一年壬午靡自有葛氏滅寒浞而立少康  
少康相子以壬午滅寒浞嗣立二十二年癸卯崩

帝杼少康子以甲辰嗣立十七年庚申崩

帝槐杼子以辛酉嗣立二十六年丙戌崩

帝芒槐子以丁亥嗣立十八年甲辰崩

帝泄芒子以乙巳嗣立十六年庚申崩  
帝不降泄子以辛酉嗣立五十九年己未崩  
帝局不降子以庚申嗣立二十一年庚辰崩

帝系表 帝系表 帝系表

帝廑(高)子以辛巳嗣立二十一年辛丑崩

帝孔甲(厘)子以壬寅嗣立三十一年壬申崩

帝皐(孔)甲子以癸酉嗣立十一年癸未崩

帝發(皐)子以甲申嗣立十九年壬寅崩

帝履(癸)是為(桀)以癸卯嗣立四十三年乙未以失道為(殷)湯所伐

戰于鳴條師敗(湯)放之南巢(夏)亡

右(夏)一十七世共四百五十九年首丁巳盡乙未內寒泥篡位

四十一年

(殷)湯契之十四世孫姓子氏名履以(夏)桀之三十五年丁丑即諸

侯位自商丘徙都亳以乙未伐(桀)滅(夏)即天子位十三年丁未崩

壽百歲

太(申)湯孫以戊申嗣立三十三年庚辰崩

沃(丁)太(甲)子以辛巳歲嗣立二十九年巳酉崩

太(庚)沃(丁)弟以庚戌嗣立十五年甲戌崩

小(甲)太(庚)子以乙亥嗣立十七年辛卯崩

雍(巳)小(甲)弟以壬辰嗣立十一年癸卯崩

大(戊)雍(巳)弟以甲辰嗣立七十五年戊午崩

仲(丁)大(戊)子以巳未嗣立十三年辛未崩

外(壬)仲(丁)弟以壬申嗣立十五年丙戌崩

河(亶)甲(外)壬弟以丁亥嗣立九年乙未崩

祖(乙)河(亶)甲子以丙申嗣立十九年甲寅崩

祖(辛)祖(乙)子以乙卯嗣立十六年庚午崩

沃(甲)祖(辛)弟以辛未嗣立二十五年乙未崩

祖(丁)沃(甲)兄以丙申嗣立三十二年丁卯崩

南庚沃甲子以戊辰嗣立二十五年壬辰崩

陽甲祖丁子以癸巳嗣立七年巳亥崩

盤庚陽甲弟以庚子嗣立二十八年丁卯崩

小辛盤庚弟以戊辰嗣立二十一年戊子崩

小乙小辛弟以巳丑嗣立二十八年丙辰崩

武丁小乙子以丁巳嗣立五十九年乙卯崩

祖庚武丁弟以丙辰嗣立七年壬戌崩

祖甲祖庚弟以癸亥嗣立三十三年乙未崩

廩辛祖甲子以丙申嗣立六年辛丑崩

庚丁廩辛弟以壬寅嗣立二十一年壬戌崩

武乙庚丁子以癸亥嗣立四年丙寅崩

太丁武乙子以丁卯嗣立三年巳巳崩

帝乙太丁子以庚午嗣立三十七年丙午崩

受辛帝乙子是為紂以丁未嗣立無道三十二年戊寅周武王伐

之戰于牧野師敗受死殷亡

右殷二十八世共六百四十五年首乙未盡戊寅

周武王后稷十六世孫文王之子姓姬氏名發以商紂二十三年

巳巳嗣為西伯至巳卯勝殷殺受即天子位七年乙酉崩壽九十

三

成王名誦武王子以丙戌嗣立三十七年壬戌崩歲四十四歲

康王名釗成王子以癸亥嗣立二十六年戊子崩

昭王名瑕康王子以巳丑嗣立五十一年巳卯崩

穆王名滿昭王子以庚辰嗣立五十五年甲戌崩

共王名繁穆王子以乙亥嗣立十二年丙戌崩

懿王名薊共王子以丁亥嗣立二十五年辛亥崩

孝王名辟方共王弟以壬子嗣立十五年丙寅崩

夷王名燹懿王子以丁卯嗣立十六年壬午崩

厲王名胡夷王子以癸未嗣立三十七年無道為國人所逐出奔

周召二伯行政謂之共和十五年癸酉崩于彘

宣王名靜厲王子以甲戌嗣立四十六年己未崩

幽王名宮涅宣王子以庚申嗣立無道十一年庚午為六戎所伐

殺之

平王名宜臼幽王子以辛未嗣立五十一年辛酉崩

桓王名林平王孫以壬戌嗣立二十三年甲申崩

莊王名佗桓王子以乙酉嗣立十五年己亥崩

釐王名胡齊莊王子以庚子嗣立五年甲辰崩

惠王名閔釐王子以乙巳嗣立二十五年己巳崩

襄王名鄭惠王子以庚午嗣立三十二年壬寅崩

頃王名壬臣襄王子以癸卯嗣立六年戊申崩

匡王名班頃王子以己酉嗣立六年甲寅崩

定王名瑜匡王弟以乙卯嗣立二十一年乙亥崩

簡王名夷定王子以丙子嗣立十四年己丑崩

靈王名泄心簡王子以庚寅嗣立二十七年丙辰崩

景王名貴靈王子以丁巳嗣立二十五年辛巳崩子猛立為悼王

王子朝殺猛代立晉逐子朝立敬王

敬王名丐景王子以壬午嗣立四十四年乙丑崩

元王名仁敬王子以丙寅嗣立六年辛未崩

貞定王名介元王子以壬申嗣立二十八年己亥崩太子去疾立



為哀王王叔襲殺之代立為思王

思王以庚子嗣立為其弟少隗所殺

考王名少隗以辛丑嗣立十六年乙卯崩

威烈王名午考王子以丙辰嗣立二十四年己卯崩

安王名驕威烈王子以庚辰嗣立二十六年乙巳崩

烈王名喜安王子以丙午嗣立七年壬子崩

顯王名湣烈王弟以癸丑嗣立四十八年庚子崩

慎靚王名定顯王子以辛丑嗣立六年丙午崩

赧王名延慎靚王子以丁未嗣立五十九年乙巳為秦所攻王奔

秦盡獻其邑三十六秦受之是歲王崩周亡

右周三十七世共八百六十七年首己卯盡乙巳內共和行政十五年

自周亡至秦始皇滅六國稱皇帝以前首丙午盡己卯共三十四年

秦始皇伯翳之後莊襄王之子母呂不韋姬姓嬴氏名政以周亡

後九年甲寅嗣立為秦王立二十六年庚辰盡滅六國稱始皇帝

後十二年辛卯崩

二世皇帝名胡亥始皇少子以壬辰嗣立三年甲午為趙高所弑

立二世兄子嬰乙未漢高祖入秦子嬰降秦亡

右秦二世共十五年首庚辰盡甲午

漢太祖高皇帝沛豐邑中陽里人姓劉氏名邦父太公母媪以秦

二世元年壬辰年三十起兵為沛公乙未入關滅秦為漢王五年

己亥滅項籍即皇帝位都長安十二年丙午崩壽五十三

孝惠皇帝名盈高祖太子母呂后以丁未嗣立時年十七在位七

年癸丑崩壽二十四呂太后取後宮子以為帝子立之太后臨朝

稱制九年辛酉呂后崩諸呂作亂大臣誅之立文帝

太宗孝文皇帝名恒高祖中子母薄姬年五歲立為代王二十三

歲辛酉太尉周勃等迎立為皇帝在位三十三年甲申崩壽四十

六

孝景皇帝名啓文帝太子母竇皇后三十二歲乙酉嗣立在位十

六年庚子崩壽四十八

世宗孝武皇帝名徹景帝中子母王美入十六歲嗣立在位五十

四年甲午崩壽七十一

改元十一 建元六 元光六 元朔六 元狩六 元鼎六 征和四 太初四 天漢四

孝昭皇帝名弗陵武帝少子母趙婕妤八歲己未嗣立在位十三

年丁未崩壽二十二

改元三 始元六 元平一 元鳳六

中宗孝宣皇帝名詢武帝曾孫戾太子孫史皇孫子母王夫人昭

帝崩無嗣大將軍霍光立昌邑王賀賀無道廢之更立帝特年十

八丁未嗣立在位二十五年壬申崩壽四十三

改元七 本始四 地節四 元康四 神爵四 五鳳四 甘露四 黃龍一

高宗孝元皇帝名奭宣帝太子母許皇后年二十七癸酉嗣立在

位十六年戊子崩壽四十三

改元四 初元五 永光五 建昭五 竟寧一

孝成皇帝名懿元帝太子母王皇后年二十己丑嗣立在位二十

六年甲寅崩壽四十六

改元七 建始四 河平四 陽朔四 鴻嘉四 永始四 元延四 綏和四

孝哀皇帝名欣元帝庶孫定陶恭王子母丁姬成帝無子立為太子年二十乙卯嗣立在位六年庚申崩壽二十六

改元二 建平四 元壽二

孝平皇帝名衍元帝庶孫中山孝王子母衛姬哀帝崩無子太皇太后遣使迎立之年九歲丙辰嗣立在位五年乙丑為王莽所鴆崩壽十四

改元一 元始五

王莽立孺子嬰自為攝皇帝三年至戊辰莽篡位右西漢十二帝共二百一十四年始乙未盡戊辰王莽以己巳篡位稱新室十五年癸未為漢兵所誅淮陽王劉玄立二年為赤眉所滅莽玄共十六年

改元四 建國五 天鳳六 地皇三 更始二

東漢世祖光武皇帝名秀南陽人高祖九世孫父南頓令欽帝以王莽篡位之十四年壬午起兵乙酉即皇帝位遷都洛陽時年二十九在位三十三年丁巳崩壽六十二

改元二 建武三十 中元二

顯宗孝明皇帝名莊光武第四子母陰皇后年三十以戊午嗣立在位十八年乙亥崩壽四十八

改元一 永平十八

肅宗孝章皇帝名炆顯宗第五子母賈貴人年十九以丙子嗣立在位十四年戊子崩壽三十三

改元三 建初八 元和三 章和二

孝和皇帝名肇肅宗第四子母梁貴人年十歲以己丑嗣立在位十七年乙巳崩壽二十七

改元二 永元十六  
元興一

孝殤皇帝名隆和帝少子生始百日嗣立丙午崩壽二歲

改元一 建平元

十二  
恭宗孝安皇帝名祐肅宗孫父清河孝王母左姬殤帝崩太后立為孝和皇帝嗣年十三以丁未嗣立在位一十九年乙丑崩壽三十二

改元五 永初七  
延光四  
永寧一

孝順皇帝名保安帝子母李氏年十一以丙寅嗣立在位十九年

甲申崩壽三十

改元五 永建六  
漢安二  
建康一  
永和六

孝冲皇帝名炳順帝子母虞貴人年二歲以乙酉嗣立一年崩壽三歲

改元一 永嘉元

孝質皇帝名讚肅宗玄孫父渤海孝王母陳夫人冲帝崩皇太后詔嗣立時年八歲在位一年為梁冀所鳩崩年九歲

改元一 本初元

孝桓皇帝名志肅宗曾孫父蠡吾侯翼母偃氏質帝崩太后與梁冀迎立之年十五歲以丁亥嗣立在位二十一年丁未崩壽三十六

改元七 建和三  
永壽三  
延壽九  
元嘉一  
永康一  
永興二

孝靈皇帝名宏肅宗玄孫父解瀆亭侯母董夫人桓帝崩無子皇太后迎立之時年十二以戊申嗣立在位二十一年戊辰崩壽三十四

改元四 建寧四  
光和中  
熹平六  
中平六

孝獻皇帝名協靈帝中子母王美人靈帝崩董卓廢少帝為弘農王立帝年九歲以巳巳嗣立在此三十二年以庚子禪位于魏後十三年壬子崩壽五十四

改元四 初平四 興平二 建安二十四

右東漢十二帝共一百九十六年首乙酉盡庚子

蜀漢昭烈皇帝名備涿郡涿縣人景帝子中靖王勝之後父弘以建安十九年甲午取蜀二十四年巳亥稱漢中王辛丑即皇帝位三年癸卯崩壽六十三

改元一 章武三

後主名禪昭烈帝子年十七以甲辰嗣立在此四十一年為魏所滅

改元四 建興十五 延熙二十 景耀六 炎興元

右蜀漢二帝共四十三年首辛丑盡癸未魏文帝沛國譙人姓曹氏名丕武帝操之太子以庚子受漢禪即皇帝位時年三十二在位七年丙午崩壽四十

改元一 黃初七

明皇帝名叡文帝太子年二十二以丁未嗣立在此十三年巳未崩壽三十五

改元三 太和六 景初三 青龍四

齊王名芳明帝養為子年九歲以庚申嗣立在此十四年癸酉為司馬師所廢時年二十三

改元二 正始九 嘉平五

高貴鄉公名懿文帝孫東海定王霖子司馬師既廢齊王迎立之年十四以甲戌嗣立在此六年巳卯以討司馬昭不克遇弒年二

十

改元二

正光二  
甘露四

陳留王名奐武帝孫燕王宇子司馬昭既弒高貴鄉公迎立之年十五以庚辰嗣立即位五年乙酉禪于晉

改元二

景元四  
咸熙一

右魏五帝共四十六年首庚子盡乙酉

吳大帝吳郡富春人姓孫氏名權長沙太守堅之子討逆將軍策之弟漢末封吳王及魏王丕篡逆權以辛丑歲稱帝在位三十一年辛未崩壽七十一

改元六

黃武七  
赤烏十三

黃龍三  
太元一

嘉禾六  
神鳳一

會稽王名亮太帝少子以壬申年嗣立即位六年為權臣孫綝所廢庚辰歲亮以謠言自殺時年十六

改元三

建興二  
太平二

五鳳二

景帝名休太帝第六子會稽王亮之兄初封瑯琊王戊寅歲孫綝廢亮迎而立之在位六年甲申歲崩時年三十

改元一

永安六

歸命侯名皓太帝之孫太子和之子初封烏程侯景帝崩吳人迎而立之晉咸寧末武帝令將軍王濬等率兵伐之皓戰敗詣軍門請降太康元年徙皓洛陽封歸命侯在位十七年壽四十

改元八

元興一  
鳳凰三

甘露一  
天冊一

寶鼎三  
天璽

建衡三  
天紀四

晉世祖武皇帝河內溫縣孝敬里人姓司馬氏名炎宣王之孫文王之子以乙酉受魏禪即皇帝位時年二十九在位二十六年庚

戌崩壽五十五

改元三

太始十  
太康十

咸寧五

孝惠皇帝名衷武帝第二子以庚戌嗣立時年三十一在位十七年丙寅崩壽四十八

改元七

永熙一 太安二

元康九 永興二

永康一 光熙一

永寧一

孝懷皇帝名熾武帝第二十五子(惠帝)時立為皇太弟帝崩以丙寅嗣立時年二十三在位五年辛未劉曜石勒兵陷洛陽蒙塵于平陽壬申遇害壽三十

改元一

永嘉五

孝愍皇帝名鄴武帝孫吳孝王晏之子洛陽傾覆奔長安眾推為太子(懷帝)崩以癸卯即位時年十三在位四年丙子劉曜陷長安丁丑遇害壽十八

改元一

建興四

右(西晉)四帝共五十二年首乙酉盡丙子

(元)皇帝名康(宣)帝曾孫琅邪恭王覲之子襲封鎮建鄴(愍)帝遇害以丁丑嗣立時年四十一在位六年壬午崩壽四十七

改元三

建武一 永熙一

太興四

(明)皇帝名紹(元)帝太子以癸未嗣立時年二十四在位三年乙酉崩壽二十七

改元一

太寧三

(成)皇帝名嶷(明)帝太子以丙戌嗣立時年五歲在位十七年壬寅崩壽二十二

改元二

咸和九 咸康八

(康)皇帝名岳(成)帝母弟以癸卯嗣立時年二十在位二年甲辰崩壽二十二

改元一

建元二

穆皇帝名聃康帝子以乙巳嗣立時年二歲在位十七年辛酉崩壽十九

改元二 永和十二 升平五

哀皇帝名丕成帝子以壬戌嗣立時年二十一在位四年乙丑崩壽二十五

改元二 隆和一 興寧二

廢帝名弈哀帝母弟哀帝崩皇太后詔立之以丙寅嗣立時年二十四在位六年辛未桓溫廢之

改元一 太和五

簡文皇帝名顯元帝少子封會稽王桓溫既廢海西公迎立之以辛未嗣立時年五十一在位二年壬申崩壽五十三

改元一 咸安二

孝武皇帝名曜簡文帝子以癸酉嗣立時年十一在位二十四年丙申崩壽三十五

改元二 寧康三 太元二 十一

安皇帝名德宗孝武帝長子以丁酉嗣立時年十五在位二十六年戊午崩壽三十七

改元三 隆安五 元興三 嘉熙十四

恭皇帝名德文安帝母弟以丁未嗣立時年三十四在位二年戊申禪位于宋遇害壽三十六

改元一 元熙二

右東晉十一帝共一百卅四年首丁丑盡庚申

宋高祖武皇帝彭城綏興里人姓劉氏名裕以庚申受晉禪即皇帝位時年五十七在位三年壬戌崩壽六十



改元一 永初三

少帝名義符武帝長子以壬戌嗣立時年十七在位二年癸亥徐羨之等廢弒之壽十九

改元一 景平二

太祖文皇帝名義隆武帝第三子封宜都王少帝廢大臣迎立之以甲子嗣立時年十六在位三十年癸巳為元凶劭所弒壽四十六

改元一 元嘉三十

世祖孝武皇帝名駿文帝第三子封武陵王元凶劭弒逆入討賊以甲午嗣立時年二十四在位十一年甲辰崩壽三十五

改元二 孝建三 大明八

前廢帝名子業孝武帝長子以甲辰嗣立時年十六在位一年荒淫無道遇弒壽十七

改元一 景和元

太宗明皇帝名彧文帝第十一子封淮陽王廢帝遇弒以乙巳嗣立時年二十六在位八年壬子崩壽三十四

改元二 泰始七 泰豫一

後廢帝名昱明帝太子以癸丑嗣立時年二十一在位四年丁巳以無道遇弒年二十五

改元一 元徽四

順皇帝名準明帝第三子封安成王廢帝頌蕭道成奉太后令立之以丁巳嗣立時年三以己未禪于齊遇害壽十歲

改元一 并明三

右宋八帝共六十年首庚甲盡己未

齊太祖高皇帝東海蘭陵郡人姓蕭名道成以己未歲受宋禪即皇帝位時年五十二在位四年壬戌崩壽五十六

改元一 建元三

世祖武皇帝名贖高帝長子以壬戌嗣立時年四十二在位十二年癸酉崩壽五十四

改元一 永明十一

廢帝名昭業武帝長孫立為太孫以癸酉嗣立為西昌侯鸞廢而弒之二十二歲再立海陵王昭文復廢之

改元二 隆昌 延興

高宗明皇帝名鸞始安貞王道生之子既廢二帝以甲戌嗣立時年四十二在位五年戊寅崩壽四十七

改元二 建武四 永泰二

明帝第二子以己卯嗣立時年十六立三年己巳無道遇弒壽十九

改元一 永元三

和帝名寶融明帝第八子以辛巳嗣立禪于梁遇害壽十五

改元一 中興元

右齊六帝共二十二年首己未盡辛巳

梁高祖武皇帝南蘭陵中都里人姓蕭氏名衍以壬午歲受齊禪時年三十五在位四十八年己巳崩壽八十六

改元七 天監十八 大同十一 普通七 大同一 大通二 太清三 中大通六

太宗簡文皇帝名綱武帝第三子昭明太子薨立為太子以己巳嗣立三年辛未侯景廢而弒之壽四十九

改元一 大寶三

世祖孝元皇帝名繹武帝第七子封湘東王侯景篡立王僧辨等起兵討誅景以壬申嗣立在位三年甲戌為西魏所滅遇害壽四十七

改元一 承聖三

敬皇帝名方智元帝第九子封晉安王魏克江陵陳霸先等迎立之以乙亥嗣立在位二年丁丑禪于陳遇害壽十六

改元二 紹泰一 太平二

右梁四帝共五十六年首壬午盡丁丑

陳高祖武皇帝吳興長城下若里人姓陳氏名霸先以丁丑受禪時年五十四在位三年巳卯崩壽五十七

改元一 承聖一

世祖文皇帝名績武帝兄始興昭烈王之長子武帝受禪為臨川

王少英辰嗣立六年丙戌崩壽四十五

改元二 天嘉六 天康一

廢帝名伯宗文帝長子以丙戌嗣立在位三年戊子安成王瑱廢之而自立未幾伯宗崩壽十九

改元一 光大二

高宗宣皇帝名頊始興昭烈王次子以戊子嗣立時年四十在位十三年壬寅崩

改元一 大建十三

廢主名叔寶宣帝太子以壬寅嗣立年三十在位七年巳酉隋滅之

改元二 至德四 禎明三

右陳五帝共三十三年首丁丑盡巳酉

後魏太祖道武皇帝其先世為代北鮮卑君長姓拓跋氏名珪以

丙戌即代王位郊天改元特晉孝武大元十一年十三年戊戌取燕即帝位

又十二年己酉為拓跋紹所弑壽三十九

改元四登國十 皇始二 天賜四

太宗明元皇帝名嗣道武帝子以己酉嗣立在位十五年癸亥崩

壽三十二

改元三泰常七 神瑞二

世祖太武皇帝名燾明元帝長子以甲子嗣立在位二十九年壬

辰為宗愛所弑壽四十五

改元六始光四 神龜四 太平貞君十一 正平二 延和五

高宗文成皇帝名濬太武帝嫡孫以壬辰嗣立在位十四年乙巳

崩壽十六

改元三興安三 和平六 興光五

顯祖獻文皇帝名弘文成帝長子以乙巳嗣立在位七年辛亥禪

位于太子宏又五年丙辰崩壽二十三

改元二天安二 皇興五

高祖孝文皇帝名宏獻文帝太子以辛亥受禪在位二十九年己

卯崩壽三十三

改元三延興四 承明元 太和二十二

世宗宣武皇帝名恪孝文第二子為皇太子以己卯嗣立在位十

七年乙未崩壽三十三

改元四景明四 正始四 承平四 延昌四

肅宗孝明皇帝名詡宣武帝第二子以乙未嗣立在位十四年戊

申崩壽十九

改元五

熙平二  
孝昌二

神龜二  
武泰元

正光五

敬宗孝莊皇帝名子攸彭城王駟第二子封長樂王明帝崩爾朱榮立之以戊申嗣立三年庚戌誅爾朱榮為其黨所弒壽二十四

改元一

永安三

節閔帝名恭廣陵惠王羽之子少襲爵爾朱世隆既弒敬宗迎立之以辛亥嗣立一年壬子高歡廢而弒之壽二十四

改元一

普嘉

孝武皇帝名脩唐平武穆王懷之子封平陽王高歡既廢節閔奉渤海太守元朗為帝後廢之而立帝以壬子嗣立任位三年至甲寅西奔長安崩壽二十五

改元一

永熙三

孝靜皇帝名善見清河王亶之世子孝武帝既西入關高歡奉帝

立之為東魏以甲寅嗣立時年十一在位十七年庚午禪于齊未幾遇害壽二十八

改元四

天平四  
興和四

元象元  
武定八

文皇帝名寶炬孝文帝之孫京兆王愉之子封南陽王孝武崩宇文泰立之以甲寅嗣立任位十八年辛未崩壽四十五

改元一

大統十八

廢帝名欽文帝長子以辛未嗣立任位三年癸酉為宇文泰所廢尋弒之壽十六

不改元

恭皇帝名廓文帝第四子以甲戌嗣立三年丙子禪于周未幾周人殺之壽二十一

不改元

右魏十五帝共一百七十一年首丙戌盡丙子

北齊顯祖文宣皇帝渤海脩人姓高氏名洋神武王歡之次子以  
庚午受魏禪即皇帝位在位十年巳卯崩壽三十一

改元一 天保十

廢帝名毅文宣太子以巳卯嗣立一年庚辰常山王演廢之而自  
立尋遇害壽十五

改元一 乾明

孝昭皇帝名演神武第六子以庚辰嗣立一年崩壽二十七

改元一 皇建

世祖武成皇帝名湛神武第九子辛巳嗣立五年乙酉禪位于太  
子緯稱太上皇又四年戊子崩壽三十二

改元二 太寧一 清河四

後主名緯武成帝長子以乙酉嗣立在位十三年丁酉為周所滅  
壽三十三

改元二 天統五 武平八

右北齊五帝共二十八年首庚午盡丁酉

周閔帝名覺代郡武川人(文王)泰長長子以丙子受魏禪一年丁  
丑為晉公護廢而弒之壽十六

世宗明皇帝名毓(文王)泰次子晉公護廢閔帝迎立之以丁丑嗣  
立四年庚辰崩壽二十七

改元二 武定二

高祖武皇帝名邕(文王)第四子庚辰嗣立在位十九年戊戌崩壽  
三十六

改元四 保定五 天和六 建德六 宣政元

宣皇帝名贛武帝長子以戊戌嗣立己亥傳位太子稱天元庚子崩壽二十二

改元一 大象

靜帝名衍宣帝長子庚子嗣立辛丑禪于隋遇害壽九歲

右周五帝共二十六年首丙子盡辛丑

隋高祖文皇帝弘農華陰人姓楊氏名堅以辛丑受魏禪在位二十四年甲子崩壽六十四

改元二 開皇二十四 仁壽四

煬皇帝名廣高祖次子以甲子嗣立在位十五年戊寅無道遇弒壽五十

改元一 大業

恭皇帝名侑煬帝孫元德太子之子唐公李淵入長安立之以丁丑嗣位戊寅禪于唐封為鄜國公武德二年崩壽十五

改元一 義寧

右隋三帝共三十八年首辛丑盡戊寅

唐高祖神堯大聖大光孝皇帝隴西成紀人姓李氏名淵以辛丑自太原留守起兵入長安戊寅受隋禪即皇帝位時年五十三在位九年丙戌傳位于太宗稱太上皇又十年乙未崩壽七十一

改元一 武德九

太宗文武大聖大廣孝皇帝名世民高祖次子母竇皇后初封秦王太子建成誅立為皇太子以丙戌嗣立時年二十九在位二十三年己酉崩壽五十二

改元一 貞觀二十三

高宗天皇大聖大弘孝皇帝名治太宗第九子母長孫皇后初封

晉王太子承乾廢立為皇太子以已酉嗣立時年二十二在位三十四年癸未崩壽五十六

改元十四

永徽七 乾封三 顯慶六 龍朔四 麟德三 開元二 調露二 咸亨五 上元三 永淳二 弘道二

中宗孝和大聖大昭孝皇帝名顯高宗第七子母武皇后為皇太子癸未嗣立甲申武后廢之後二十二年乙巳復辟在位五年庚戌為韋后所弑壽五十五

改元三

神龍二 景龍二 唐隆元

武后改元十二

光宅元 垂拱四 永昌元 天壽二 萬歲通天元 長壽二 延載元 天冊萬歲元 久視元 神功元 聖曆二 長安四

睿宗玄貞大聖大興孝皇帝名旦高宗第八子母武皇后封豫王武后所廢中宗立之臨朝至庚寅降立為皇嗣中宗復辟封相王韋后弑逆臨淄王隆基誅之迎立帝以庚戌即位三年壬子傳位于太子隆基後四年丙辰崩壽五十五

改元二

大極 延和

玄宗至道大聖大明孝皇帝名隆基睿宗第三子母竇皇后封臨淄郡王庚戌韋后弑逆以兵討誅之睿宗即位立為皇太子以壬子嗣立時年二十七在位四十四年乙未禪位于太子亨後七年壬寅崩壽七十八

改元三

先天元 開元二十九 天寶十四

肅宗文明武德大聖大宣孝皇帝名享玄宗第三子母楊皇后天寶中立為皇太子丙申嗣立時年四十五在位七年壬寅崩壽五

十二

改元四

至德二 乾元一 上元二 寶應一



代宗睿文孝武皇帝名豫肅宗太子母吳皇后以壬寅嗣立時年三十六在位十八年己未崩壽五十四

改元三 廣德三 永泰二 大曆十二

德宗神武孝文皇帝名适代宗太子母沈皇后以己未嗣立時年三十八在位二十六年甲申崩壽六十四

改元三 建中四 興元元 貞元二十一

順宗至德弘道大聖大安孝皇帝名誦德宗太子母王皇后以甲申嗣立一年崩壽四十六

改元一 永貞

憲宗昭文章武大聖至神孝皇帝名純母王皇后順宗太子以丙戌嗣立時年二十八在位十五年庚子崩壽四十三

改元一 元和十四

穆宗睿聖文惠孝皇帝名恆憲宗第三子母郭皇后以庚子嗣立時年二十六在位五年甲辰崩壽三十

改元一 長慶四

敬宗睿武昭愍孝皇帝名湛穆宗長子母王皇后以甲辰嗣立時年十六在位三年丙午為宦官蘇佐明等所弑壽十八

改元一 寶曆

文宗元聖昭獻孝皇帝名昂穆宗第二子母蕭皇后封江王敬宗崩王守澄等迎立之以丙午嗣立時年十八在位十四年庚申崩壽三十二

改元二 太和九 開成五

武宗至道昭肅孝皇帝名炎穆宗第五子母章皇后封穎王文宗崩仇士良等迎平之以庚申嗣立年二十七在位六年丙寅崩壽

改元一 會昌六

宣宗聖武獻文孝皇帝名忱憲宗第十三子母鄭皇后封光王武宗崩中官迎立之以丙寅嗣立時年三十七在位十三年巳卯崩壽五十

改元一 大中十三

懿宗昭聖恭惠孝皇帝名漼宣宗太子母晁皇后以巳卯嗣立即位十四年癸巳崩壽四十一

改元一 咸通十四

僖宗惠聖恭定孝皇帝名儼懿宗第五子母王皇后立為皇太子以癸巳嗣立時年二十在位十六年戊申崩壽三十六

改元五 乾符五 廣明元 中和四 光化三 文德元

昭宗聖穆景文孝皇帝名晔懿宗第七子母王皇后封壽王以戊申嗣立十六年甲子為朱全忠所弒壽三十八

改元七 龍紀二 大順三 景福三 乾寧五 光化四 天復四 天祐元

哀皇帝名祝昭宗第九子母何皇后封暉王昭宗遇弒以甲子嗣立三年丁卯禪于梁明年遇害壽十七

不改元 盡天祐四年

右唐二十帝共二百九十年首辛丑盡丁卯內武氏二十二年

後梁太祖神武元聖孝皇帝單州碭山縣人姓朱氏名晁初名溫賜名全忠以丁卯受唐禪即皇帝位年五十六在位六年壬申為其子鄧王友珪所弒年六十一

改元二 開平四 乾化二

末帝名瑱太祖第四子母張皇后封均王友珪弒逆討誅之以癸

酉嗣立在位十一年癸未唐兵入汴為其下所弒年三十六

改元三

乾化五 貞明六 龍德二

右後梁二帝共十七年首丁卯盡癸未

後唐莊宗光聖神閔孝皇帝其先沙陀人唐賜姓李氏名存勗武帝克用之子以癸未即皇帝位滅梁在位四年丙戌兵亂中流矢崩壽四十二

改元一

同光四

明宗聖德和武欽孝皇帝代北金鳳城人姓李氏名亶以丙戌嗣立在位八年癸巳崩壽六十七

改元二

天成四 長興四

閔帝名從厚明宗第三子封宋王癸巳嗣立甲午潞王兵入汴廢之而自立尋遇害壽二十一

改元一

廣順

末帝名從珂本姓王氏明宗養為子封潞王以甲午廢閔帝即位三年丙申石敬瑭舉兵犯闕帝兵敗自焚死壽五十二

改元一

清泰三

右後唐四帝共十四年首癸未盡丙申

後晉高祖聖文章武明德孝皇帝太原汾陽里人姓石氏名敬瑭丙申以北京留守舉兵入洛即皇帝位在位七年壬寅崩壽五十

改元一

天福七

少帝名重貴本高祖從子封齊王以壬寅嗣立在位四年丙午契丹入汴北遷卒於黃龍府壽三十四歲

改元二

示福二 開運二

右後晉二帝共十一年首丙申盡丙午

後漢高祖睿文聖武昭肅孝皇帝太原人姓劉氏名嵩初名知遠  
契丹入中國以丁未即皇帝位于晉陽繼遷于汴在位二年戊申  
崩壽五十四

改元一 乾祐

隱帝名承祐高祖第二子封周王以戊申嗣立三年庚戌郭威擁  
兵犯闕遇弒壽二十

右後漢二帝共四年首丁未盡庚戌

後周太祖聖神恭肅文武皇帝邢州堯山人姓郭氏名威辛亥  
以鄴都留守入汴即皇帝位三年癸丑崩壽五十一

改元一 廣順

世宗睿武孝文皇帝本姓柴氏名榮太祖養子封晉王以甲寅嗣  
立在位六年己未崩

改元一

恭帝名宗訓世宗子封梁王以己未嗣立庚申禪于宋後十四年  
癸酉崩壽二十一

右周三世共九年首辛亥盡己未

宋太祖英武聖文神德皇帝其先涿郡人皇考始遷洛陽姓趙氏  
名匡胤父周龍捷左廂都指揮使弘殷追謚宣祖母昭憲杜太后  
庚申以殿前都檢點受周禪即皇帝位時年三十三在位十七年  
丙子崩壽五十

改元五 建隆三 開寶九 乾德五

太宗神功聖德文武皇帝名炅初名匡義母昭憲杜太后以丙子  
嗣立時年三十七在位二十二年丁酉壽五十九

改元五 太平興國八 雍熙四 端拱二 淳化五 至道三

真宗文明章聖元孝皇帝名恒初名元侃太宗第三子母元德李太后立為皇太子以丁酉嗣立年二十九在位二十六年壬戌崩壽五十五

改元五 咸平六 景德四 大中祥符九 天禧五 乾興元

仁宗神文聖武明孝皇帝名禎初名受益貞宗太子母莊懿李太后以壬戌嗣立時年十二在位四十二年癸卯崩壽五十四

改元九 天聖九 明道二 景祐四 寶元二 康定元 慶曆八 皇祐五 至和二 嘉祐八

英宗獻文肅武宣孝皇帝名曙初名宗實濮安懿王允讓之子詔立為皇子以癸卯嗣立時年三十三在位五年丁未崩壽三十八

改元一 治平四

神宗英文烈武聖孝皇帝名頊英宗太子母宣仁高皇后以丁未嗣立時年十九在位十九年乙丑崩壽三十八

改元二 熙寧十 元豐八

哲宗欽文睿武昭孝皇帝名煦初名儋神宗太子母欽聖朱太妃以乙丑嗣立時年十歲在位十五年庚辰崩壽二十五

改元三 元祐八 紹聖四 元符三

徽宗聖文仁德顯孝皇帝名佶神宗第十一子母欽慈陳太后初封端王哲宗崩以庚辰嗣立年十九歲在位二十五年乙巳禪位于太子丁未金虜陷中原北遷後九年乙卯崩于五國城壽五十四

改元六 建中靖國元 崇寧五 大觀四 政和七 宣和七

欽宗恭文順德仁孝皇帝名桓徽宗太子母顯恭王皇后以乙巳受內禪即位時年二十五二年金人陷中原丁未北遷後三十四年庚辰崩壽六十一

靖康二

高宗聖武文昭仁憲孝皇帝名構徽宗第九子母顯仁章太后初封康王金人陷中原二帝北狩以丁未嗣立于南京時年二十一在位三十六年壬午內禪于太子又二十五年丁未崩壽八十

改元二

建炎四 紹興三十二

孝宗哲文神武明聖成孝皇帝名昚初名璩太祖之裔高宗以為太子壬午受內禪即位時年三十六在位二十七年己酉內禪于太子又五年癸丑崩壽六十八

改元

隆興二 乾道九 淳熙十六

光宗憲仁聖哲慈孝皇帝名惇孝宗第三子母成穆郭皇后立為太子己酉受內禪時年四十三在位五年甲寅內禪又六年戊午

崩壽五十四

改元一

紹興五

寧宗仁文哲武恭孝皇帝名擴光宗第二子母慈懿李皇后立為太子甲寅即位時年二十六在位三十一年甲申崩壽五十七

改元四

慶元六 嘉泰四 開禧三 嘉定十七

理宗烈文仁武安孝皇帝名昀初名貴誠沂靖惠王之子寧宗次為皇子甲申嗣立時年二十一在位四十一年甲子崩壽六十一

改元八

寶慶三 紹定六 端平三 嘉熙四 淳祐十二 寶祐六 景定五 開慶元

度宗端文明武景孝皇帝名嚴福王之子理宗立為太子甲子嗣立時年二十五在位十一年甲戌崩壽三十五

改元一

咸淳十

文獻通考卷之二百五十一

